



80

A vertical ruler scale from 1 to 10 cm. The 10 cm mark is highlighted in red.

C40-4514

丁翁上座請大藏及百
家書置之武州紫雲山
我徵武州院宣府中丞
為學子者不敢許出院內
當山二世鐵牛機詩記

B 64853

慈氏菩薩說。北涼天竺三藏曇無識第二譯。
○大文爲三。初歸敬述意。二正列戒相。三結示宗。
趣初及第三。皆結集家所安。二正列戒相。出瑜
伽師地論菩薩地戒品中。識師于地持論已先。
譯竟。今更譯出別行。故稱第二譯也。
○初中四。初歸憑。二誠聽。三喻讚。四勸持。

歸命盧舍那。十方金剛佛。亦禮前論主。當覺慈氏尊。
 盧舍那。此翻淨滿。惡無不斷。故淨善無不行。故滿。
 卽修德究竟圓極。克證本性。具足三身。恒居報土。
 乃菩薩戒之大和尚也。十方金剛佛者。金剛道後。
 證不壞性。亦是圓滿報身。與盧舍那一身一智慧。
 力無畏亦然。各徧法界無礙無雜。非一非異。乃菩
 薩戒之同壇尊證也。慈氏尊者。梵稱彌勒。於前則
 爲地論主。於後則次當作佛。乃菩薩戒之羯磨阿
 閻梨也。將欲誦戒。故先歸命敬禮以求加被。

○二誠聽

今說三聚戒。菩薩咸共聽。

只此重輕學處。能斷諸惡。即是攝律儀戒。能成諸
 善。即是攝善法戒。能益有情。即是攝衆生戒也。

○三喻讚

戒如大明燈。能消長夜闇。戒如真寶鏡。照法盡無遺。
 戒如摩尼珠。兩物濟貧窮。

大明燈者。喻讚攝律儀戒。能斷生死長夜。一切惡
 業愚惑闇也。真寶鏡者。喻讚攝善法戒。能照佛地。

80 1 2 3 4 5 6 7 8 9 100 1 2 3 4 5 6 7 8 9

一切功德智慧法也。摩尼珠者喻讚攝衆生戒。如意珠能雨一切聖財普濟九界貧窮苦也。

○四勸持

離世速成佛。唯此法爲最。是故諸菩薩應當勤護持。
非離世則不能度世。如岸上人方可拯溺水人也。
故華嚴經普賢常行亦名離世間品。離世乃下化
之本懷成佛乃上求之夙願。上求下化。惟此三聚
淨戒爲最。可不精勤護持哉。初歸敬述意竟

○二正列戒相。初明四重。二明四十一。

○初中二、初總標。二別列。三結問。○今初

諸大士此四波羅夷法是菩薩摩得勒伽和合說

波羅夷。此翻棄罪。犯此罪者永棄佛海邊外故。又

翻極惡。正違勝妙善法故。又翻墮罪墮在三塗受苦故。又翻重罪過惡深重。不易悔除故。摩得勒伽

此云留母。善釋諸法相義能生智微卽指瑜伽師

馳輪也。和合說者同一在處。不相乖諍。乃可如法。

誦戒他。問。梵網具明十重此胡僅列四重耶。答。

菩薩戒法通乎七衆。若優婆塞優婆夷。必已先受

8

0 1 2 3 4 5 6 7 8 9

五戒。若沙彌沙彌尼必已先受十戒。若式叉摩那必已先受六法。若比丘比丘尼必已先受具戒。萬無單受此菩薩戒之理。是故通途根本四戒。已於七衆戒中明之。此不重說。今但申明菩薩增上戒。相故不與此同列。又殺盜婬妄菩薩爲衆生故。容開。如唐譯本廣明。今重惟遮不開。故獨列之。

第三瞋不受悔戒。第四謗亂正法戒。

○第一自讚毀他戒若菩薩不妄其讚。則不若菩薩爲貪利故。自讚已德。毀訾他人。是名第一波羅夷處法。
自歎己德者揚己德以形他短。毀訾他人者借人短以顯己長。人已互形欲令利養盡歸于己。正違大菩提心。故犯重也。若貪心自讚而不毀他。或患心毀他而不自讚。自在下文輕戒中攝。

若菩薩自有財物。性慳惜故貧苦。衆生無所依怙。來

求索者不起悲心給施所求。有欲聞法憚惜不說。是名第二波羅夷處法。

菩薩之道常應財法。施攝取衆生。自有財物明其非乏財也。貧苦衆生。明其非越理妄求也。有欲聞法明其非不堪聞也。憚惜不說。明其非不知法也。慳惜鄙澁。不起悲心。正違大菩提道。故亦犯重。

○第三瞋不受悔戒

若菩薩瞋恚出粗惡言意猶不息。復以手打或加杖石殘害恐怖瞋恨增上。犯者求悔不受其懺。結恨不受懺悔乎。棄捨衆生故失菩薩法也。

捨是名第三波羅夷處法。
一念瞋心已違攝取衆生之道矣。况口出惡言身打杖乎。身口加惡已失慈悲心矣。况拒絕而不受懺悔乎。棄捨衆生故失菩薩法也。

○第四謗亂正法戒

若菩薩謗菩薩藏說相似法。熾然建立於相似法。若心自解或從他受。是名第四波羅夷處法。
相似法者實非正法。有似正法譬如紫之奪朱。鄭聲之亂雅樂。此卽名爲謗菩薩藏。非必毀罵而後

80

90 1 2 3 4 5 6 7 8 9 10

10

謂之謗也。又設毀罵罪，稍稍輕以不能惑亂人故。說相似法，其罪更重，以最能疑悞人故。而此熾然建立相似法者，凡有二類。一者若心自解，謂意見穿鑿邪悟發明，二者或從他受，謂領納邪教，堅黨邪師。此二並違出世正法，故犯重也。一別列竟。

○三結問

諸大士已說四波羅夷法。若菩薩起增上煩惱犯一
法。失菩薩戒。應當更受。今問諸大士。是中清淨不。
三諸大士是中清淨。默然故是事如是持。

增上煩惱。謂上品食或上品慳。上品瞋。上品邪悟解也。犯一一法。謂四法中隨犯一法也。失菩薩戒。謂失大菩提所感無作戒體也。應當更受。謂應深革前非。重復發起增上大菩提心。對治增上煩惱也。于半月。中設有犯者。未誦戒前。必應發露懺悔。旣懺悔已。還得清淨。故至正誦戒時。仍與不犯戒者同。皆默然。以此默然而表清淨。應恒如是持此戒也。問。設先有犯。忘而未懺。今誦戒時。方自憶知。爲卽出衆發露。爲仍默然。若出衆發露。則不可結

云默然故若仍默然則豈不犯覆藏罪耶答律有之矣爾時設自憶知有罪應向比座同意之人心口發露俟事畢後如法悔除設無同意人可得應作是念待事畢已當向清淨比丘發露悔除作是念已雖默坐聽不犯覆藏罪也初明四重竟

○今初

諸大士。此菩薩衆多突吉羅法。是菩薩摩得勒伽。和

突吉羅此翻惡作卽不淨有作罪也言衆多者下文雖列四十一條而每條之中事非一概故也

文雖列四十一條而每條之中事非一物故也
○二別列四十一第一不供養三寶戒至第四十

○第一不供養三寶戒

若菩薩住律儀戒於一日一夜中。若佛在世。若佛塔廟。若法若經卷。若菩薩修多羅藏。若菩薩摩得勒伽藏。若比丘僧。若十方世界大菩薩衆。若不少多供養乃至一禮。乃至不以一偈讚歎三寶功德。乃至不能

80

刑部卷之三

三

一念淨心者。是名爲犯衆多犯。若不恭敬。若嬾惰。若懈怠。犯是犯染汙起。若忘誤。犯非染汙起。不犯者。入淨心地。菩薩如得不壞淨比丘。常法供養佛法僧寶。住律儀戒。謂已受得菩薩學處。不破。不捨。不狂。不亂。不病壞心也。佛在世及佛塔廟者。總舉佛寶爲所供境也。法者金口所宣。經卷者貝葉所傳。菩薩修多羅藏者。別指大乘經典。菩薩摩得勒伽藏者。別指大乘論釋。此總舉法寶爲所供境也。比丘僧者。出世儀表。住持勝福田相。十方世界大菩薩衆。

者。二賢十聖影響神通。形無定準。志在菩提。此總舉僧寶爲所供境也。住戒菩薩于三寶境。每一日夜之中。必應三業供養。身業極少。亦須一禮。口業極少。亦須一偈讚歎。意業極少。亦須一念淨心。若并此極少供養。亦不能修。則犯突吉羅罪。言衆多犯。卽上文所謂衆多突吉羅法也。就此衆多犯中。有二分別。二者是染汙起。或翻輕垢。應自責心。入淨心地。菩薩者。若約通教。則是見地以上。若約別接通義。則是

初歡喜地。若約實義。則是別初住圓初信斷分別惑位齊初果。故云如得不壞淨此丘也。此丘若證初果。則于三寶及戒得不壞淨。故名常以真法供養三寶。菩薩入淨心地。應知亦爾。縱令身口不行禮讚。而心恒不違背佛法僧也。於佛得不壞淨。寧外道天神於法得不壞淨。假使以邪法竄入正法。能辨其邪。假使以正法混入邪法。能識其正。終不能依于外道典籍。於僧得不壞淨。見勝義及清淨僧恭敬親近。見啞羊及無慚僧。躋愍攝護。不生嬌慢。及退墮心。終不依于外道邪衆。於戒得不壞淨。寧捨身命。終不毀犯所受諸佛淨戒。

○第二貪財物戒

若菩薩多欲不知足。貪著財物。是名爲犯。多犯。是犯染汙起。不犯者。爲斷彼故。起欲方便攝受對治。而奈性利煩惱更數數起。習所成性。各有偏重。如好財。好色。好名。好食等。菩薩既知生平煩惱習性。何者最爲猛利。必當斷之。爲斷彼故。必於佛法起善樂欲。思惟種種方便攝受而對治之。如多貪者。修不淨觀。多瞋者。修慈悲觀等。若已勤修對治方便。而此性利煩惱更數數起。則是無可奈何。但當仍起勝善樂欲。則不名犯。

戒也。下文所云爲斷彼故悉皆倣此

○第三不敬同法戒
若菩薩見上座有德應敬同法者。憍慢瞋恨不起恭敬。不讓其座。問訊請法。不詮答。是名爲犯衆多犯。是犯染汙起。若嬾惰懈怠。若無記心。若忘誤犯。非染汙起。不犯者。若重病。若亂心。若我實睡。作覺想來。悉不知。悉不咎者。是名不犯。若上座說法及決定論時。若自說法。若聽法。若自決定論時。若說法衆中。若決定論衆中。不禮不犯。若護說者心。若以

方便令彼調伏。使捨離不善修習善法。若護僧制。若護多人意。不禮不答皆悉不犯。

調伏使捨其惡

方便令彼調伏。其捨離不善修習善法。若護僧制。若
護多人意。不禮不答。皆悉不犯。

心悔除亦能障菩薩戒。莫輕小罪以爲無殃也。

○第四不應供戒

若菩薩檀越來請若至自舍若至寺內若至餘家若施衣食種種衆具菩薩以瞋慢心不受不往是名爲犯衆多犯是犯染汙起不犯者若病若無力若狂若遠處若道路恐怖難若知不受令彼調伏捨惡住善若先受請若修善法不欲暫廢爲欲得聞未曾有法饒益之義及決定論若知請者爲欺惱故若護多人嫌恨心故若護僧制

瞋心慢心而不受請正違菩薩慈攝之道故爲應
懺重后罪也。在卽亂心等病

懾重垢罪也。狂卽亂心等病。

○第五不受施戒昔復對去來善願時菩薩謂諸人

若菩薩有檀越以金銀真珠摩尼瑠璃種種寶物奉施菩薩。菩薩以瞋慢心違逆不受。是名爲犯衆多犯。

是犯染汙起。捨衆生故。若嬾惰懈怠犯非染汙起。不犯者。若知受已必生食著。若知受已施主生悔。若知

受已。施主生惑。若知受已。施主貧惱。若知是物。是三寶許。若知是物。是劫盜得。若知受已。多得苦惱。所謂

殺縛謫罰奪財。呵責。

是三寶許猶言已許三寶。即是屬三寶之物也。

○第六不施法戒

若菩薩衆生往至其所。欲得聞法。若菩薩嗔恨慳嫉。不爲說法者。是名爲犯衆多犯。是犯染汙起。若嬾惰懈怠犯非染汙起。不犯者。若外道求短。若重病。若狂。若知不說。令彼調伏。若所修法未善通利。若知前人不能敬順威儀不整。若彼鈍根。聞深妙法。生怖畏心。若知聞已增長邪見。若知聞已毀訾退沒。若彼聞已。

向惡人說

問此與四重戒中慳法何異。答。彼約上品煩惱故犯重。此約中下煩惱故犯輕。又據梵網則加毀乃結重。今雖慳惜未必加毀故結輕也。不熟同學同○第七不教悔罪戒誤。若菩薩於凶惡犯戒。衆生以瞋恨心。若自捨若遮他。令捨不教化者。是名爲犯衆多犯。是犯染汙起。若嬾惰懈怠若忘故。遮他舍。犯非染汙起。何以故。菩薩於惡人所。起慈悲心。深於善人。不犯者。若狂。若知不說。

令彼調伏如前說。若護他心。若護僧制。

慈以與樂。悲以拔苦。善人自知避苦求樂。惡人則但有苦無樂。故苦薩深起慈悲。譬如父母雖等愛子。而于病者尤偏憐也。

○第八不同聲聞戒。此有二意。一者護衆生戒。應須同學。不同則犯。二者少方便戒。不應同學。同學則犯也。

若菩薩於如來波羅提木叉中。毘尼建立遮罪。護衆生故。令不信者信。信者增廣。同聲聞學。此指菩薩比丘。既爲出家

人便應同出家法也。何以故。聲聞者乃至過自度。乃至亦不離護他欲。令不信者信。信者增廣。而學諸比丘戒。何況菩薩。自他兼利之。第一義度。豈可反不學此比丘戒耶。又復遮罪中。住少利少作少方便。世尊單爲聲聞人建立者。菩薩雖爲比丘。亦不同學此戒。何以故。聲聞自度捨他。所以應住少利少作少方便。非謂菩薩自度度他。亦應住少利少作少方便也。菩薩爲衆生故。當從非親里婆羅門居士所求百千衣。是爲及彼居士等。自恣與天。但觀施主堪與不堪。不拘多少。隨施應受。是爲如衣鉢亦

如是。^{是爲}如衣鉢。如是自乞縷。令非親里織師織。亦^如
是爲四。爲衆生故應畜積。嬌奢耶。卧具坐具乃至百千。
五。乃至金銀百千。^{爲衆生故}亦應受之。^{是爲}如是等住
少利少作少方便之聲聞遮罪。菩薩丘比不共聲學已
住菩薩律儀戒。^便爲諸衆生。若慊恨心住少利少作
少方便者是名爲犯衆多犯。是犯染汙起。若嬾惰懈
怠住少利少作少方便。犯非染汙起。^{此則不應同而}
同爲有罪也。[○]
慊。謙上聲與歎同恨也。若作入聲讀之。則是快足之義。非今文意。
波羅提木叉。此翻保解脫。又翻別別解脫。通指大

小七衆戒法而言之也。毘尼此翻爲滅。又翻爲律。
別指比丘律藏而言之也。毘尼法中。有性罪。有遮
罪。性罪者。縱使不受戒人。于世法中。亦自有罪。如
殺生偷盜邪淫妄語兩舌惡口等是也。遮罪者。佛
爲出家弟子護惜譏嫌遮令莫作。若違佛制。則便
得罪。故亦名制罪也。是故菩薩比丘須同聲聞比
丘護持戒法。不得媒嫁。不得私作大房。不得在難
處妨處作房。不得汙他家行惡行。不得自畜長衣。
而不說淨。不得離三衣宿。不得使尼浣故衣。不得

求益衣價不得求合價買衣不得過六反索衣不得雜野蠶綿作卧具不得作純黑羊毛卧具不得未滿六年更作新卧具不得坐具不帖故者不得持羊毛遠行不得使尼染羊毛不得賣買寶物不得販賣不得畜鉢求好不得求織好衣不得與衣瞋奪不得畜舍消藥過七日不得非時求用雨衣不得廻僧物入已不得與婦女同室宿不得與未受大戒人過三宿不得與未受戒人共誦不得向外人說他粗罪不得向外人說所證法不得與女外人說他粗罪不得向外人說所證法不得與女

人多說法。不得掘地。不得壞生草木。不得敷僧卧具。不得舉。不得僧房不舉卧具。不得強奪止宿處。不得牽他比丘出房。不得於重閣上坐脫脚牀。不得覆房過三重。不得自往教尼。不得教尼至暮。不得譏論教尼。不得爲尼作衣。不得與尼屏坐。不得與尼期行。不得與尼同船。不得因尼讚得食。不得與婦女同行。不得過受一食施。不得展轉食。不得別衆食。不得過三鉢受餅麩飯。不得不作餘食法。不得使他犯餘食法。不得非時食。不得殘宿食。不得

自取食。不得索好食。不得自與外道食。不得不囑
我詣餘家。不得食家強坐及屏處坐。不得獨與女
人坐。不得故使他失食。不得過受請藥。不得觀軍
陣。不得飲酒。不得水中戲。不得相擊撲。不得不受
諫。不得恐怖他。不得過洗浴。不得露地然火。不得
戲藏他物。不得輒著淨施衣。不得衣不壞色。不得
故惱他。不得覆他粗罪。不得授未滿二十者比丘
戒。不得發起諍事。不得同賊伴行。不得黨惡見人
不得畜被。不得沙彌。不得拒諫。難問。不得輕訶說戒。

不得受戒而不知。不得不違反羯磨。不得不與欲。不得與欲後悔。不得輒入官闈。不得輒捉寶物。不得時入村。不得作高牀。不得兜羅棉貯齋。不得作骨牙骨針筒。不得過量作覆瘞衣。不得等佛衣量。不得任尼代索食。不得學家受食。不得恐處受食。不得不齊整著衣。不得反抄衣入白衣舍。乃至人持杖劍刀蓋等。不得爲說法。如此二百五十戒中。但除少利少作少方便之六戒。其餘二百四十四戒。悉皆同學。若不學者。仍同比丘結罪。以是菩

比丘不可謂是菩薩沙彌。菩薩優婆塞等故也。菩薩比丘既爾。菩薩比丘尼亦然。菩薩式叉摩那亦須同學六法。菩薩沙彌亦須同學十戒也。憍奢耶此翻蟲衣。即是蠶綿。但許爲衆生畜不許自用。大涅槃經明文昭著。大佛頂經亦有誠誠慎之慎之。又菩薩比丘雖云不同學此少利少作少方便之六戒。然亦同須說淨。故地持云。菩薩先于一切所畜資具爲非淨故。以清淨心捨與十方諸佛菩薩。如比丘將現前衣物捨與二師等。涅槃亦云。雖聽

受畜須淨施篤信檀越也。荆溪輔行記云。有人言。凡諸所有。非已物想。有益便用。說淨何爲。今問等非已財。何不任於四海。有益便用。何不直付兩乘。而閉之淡房。封於囊篋。實懷他想。用必招愆。忽謂已財。仍違說淨。故知不說淨人。深乖佛制。

成。豈信果由因結。現見袈裟離體。當來鐵葉纏身。
况大小兩乘通名淨法。倘懷深信。豈憚奉行。

○第九住邪命戒

若菩薩。身口詔曲。若現相。若毀訾。若因利求利。住邪
命法。無慚愧心。不能捨離。是名爲犯衆多犯。是犯染
汙起。不犯者。若斷彼故。起欲方便。煩惱增上。更數數
起。

身口詔曲者。總明邪命之相。若現相者。或現奇特
相。或現寒熱等相。皆是身詔曲也。若毀訾者。或卜

相吉凶。爲人說法。或高聲現威。令人敬畏。皆是口
詔曲也。若因利求利者。或自說功德。或說所得供
養以動人心。則亦是口詔曲。或以物贈遺白衣。或
販賣出納求利。則亦是口詔曲。故總結云住邪命
法也。不知尊重已靈故無慚。不知仰希賢哲故無
愧。然僅云染汙犯。不云失菩薩戒者。猶有菩提智
願不忘故耳。倘不悔革。必招穢果。

○第十掉戲戒

若菩薩。掉動心不樂靜。高聲嬉戲。令他喜樂。作是因

緣。其名爲犯衆多犯。是犯染汙起。若忘誤犯非染汙
起不犯者。爲斷彼故。起欲方便如前說。又不犯者。他
爲攝彼故。欲斷彼故。爲將護故。若他疑菩薩慊恨違
背。和顏戲笑現心淨故。並無所不取舍第十一倒說菩薩法戒
若菩薩作如是見。如是說言。菩薩不應樂涅槃。應背
涅槃。不應怖畏煩惱。不應一向厭離。何以故。菩薩應

名爲犯衆多犯是犯染汙起。何以故。聲聞深樂涅槃。謂諸聲聞伯爲自利。菩薩不爾。菩薩爲衆生染汙心。勝阿羅漢。成就有漏離諸煩惱。謂聲聞阿羅漢所習不染汙心乃是成就無漏離諸煩惱。譬如水中蓮花是不爲難。今菩薩所習不染汙心。以普爲衆生故。須要成就有漏而仍離諸煩惱。譬如火中蓮花是最爲難也。設非百千萬倍深樂涅槃。畏厭煩惱。何能涉有漏而不起煩惱過

卷之三

十一

患耶。倘不畏厭煩惱。則是以染汙心受生死果。不久必當迷失大菩提道。其爲倒說甚矣。然不名爲波羅夷者。亦約下中品言之耳。若決起此增上執見。便是說相似法。謗菩薩藏。

○第十二不護譏嫌戒

若菩薩不護不信之言。不護譏毀。亦不除滅。若實有過惡。不除滅者。是名爲犯。衆多犯。是犯染汙起。實無過惡。而不除滅。非染汙起。不犯者。若外道誹謗及餘惡人。橫生若出家乞食修善因緣。生他譏毀。若前人

○第十三不折伏衆生戒

若瞋若狂而生譏毀。是名不犯。

實有過惡固宜改過除譏設無過惡亦宜遠嫌避
疑也惟除外道惡人瞋狂謗毀不可強除滅耳

○第十四曉打報復戒

若菩薩罵者報罵。瞋者報瞋。打者報打。毀者報毀。是

名爲犯衆多犯是犯染汙起

○第十五不如法懺謝戒

若菩薩侵犯他人或雖不犯令他疑者卽應懺謝慊恨輕慢不如法懺謝是名爲犯衆多犯是犯染汙起若嬾惰懈怠犯非染汙起不犯者若以方便令彼調伏若彼欲令作不淨業然後受者不謝無罪若知彼人性好鬭訟若悔謝者增其瞋怒若知彼和忍無慊恨心恐彼慚恥不謝無罪

○第十六不受懺謝戒

若菩薩他人來犯如法悔謝以慊恨心欲惱彼故不受其懺是名爲犯衆多犯是犯染汙起若不慊恨性不受懺是犯非染汙起不犯者若以方便令彼調伏如前說若彼不如法悔其心不平不受其懺無罪我瞋他而不受他悔故前文結重他犯我而不受其悔故今文結輕也

○第十七慊恨他戒

若菩薩於他起慊恨心執持不捨是名爲犯衆多犯是犯染汙起不犯者爲斷彼故起欲方便如前說

○第十八貪心畜眷屬戒

若菩薩爲貪奉事畜養眷屬者是名爲犯衆多犯是犯染汙起不犯者無貪心畜

若無貪心。則必審已德行。堪爲師否。既畜眷屬。能以財法二事。善將護否。雖能將護。知彼依我。果能增長出世業否。雖稍益彼。果于自己修行。無妨損

○第十九貪睡眠戒。是知其慳吝不潔財物。若菩薩。嬾惰懈怠耽樂睡眠。若非時不知量。是名爲

○第二十世論經時戒

若菩薩以染汙心論說世論經時者。是名爲犯衆多犯。是犯染汙起。不犯者。若病。若無力。若遠行。疲極。若爲斷彼故。起欲方便如前說。

○第二十世論經時戒

○第二十一不受師教戒

若菩薩欲求定心。慊恨惰慢。不受師教。是名爲犯衆多犯。是犯染汙起。若嬾惰懈怠犯非染汙起。不犯者。

若病。若無力。若知彼人作顛倒說。若自多聞有力。若先已受法。

夫欲求定心。必須咨承師教。然後可以依教修習。未有鹵莽輒自進功者也。或疑師教繁細而不直捷。故慊恨嬌慢而不肯受。則其罪反重于嬾惰懈怠。今之學人可不慎哉。

○第二十二隨五蓋心戒

若菩薩起五蓋心。不開寬者。是名爲犯衆多犯。是犯染汙起。不犯者爲斷彼故。起欲方便如前說。

五蓋者。一貪欲。二瞋恚。三睡眠。四掉悔。五疑惑也。貪欲蓋者。正修禪慧之時。其心猛利。思念五塵不能暫止也。瞋恚蓋者。正修禪慧。其心猛利。思念怨家。不能暫忘也。睡眠蓋者。正修禪慧。身心沉重昏昧。不能自持也。掉悔蓋者。正修禪慧。三業散蕩飄流。不能自安也。掉不名蓋。由掉難攝。而生于悔。悔如毒箭。能障禪慧。乃名爲蓋。疑惑蓋者。復有三種。一疑法。謂此法未必能得禪慧。二疑人。謂師雖教我修禪慧法。自旣未證。種種禪慧。何必可依。三疑

自謂我根鈍障深。安能修證種種禪慧。此五蓋心。隨起一種。便爲大障。急須方便而開覺之。貪欲蓋起。應觀不淨。無常苦空。瞋恚蓋起。應念實無我人等相。睡眠蓋起。應當策勵警覺。經行掉悔。蓋起。應當繫心一處。漸令調伏。勿事追悔。疑惑蓋起。應念佛所說法。決無虛誑。師雖凡夫。能說聖法。如食母乳。勿嫌面醜。如採樹果。勿嫌枝曲。夙根難測。不可自棄。障無實性。不應自暴。

○第二十三取世禪戒

若菩薩見味禪以爲功德者。是名爲犯衆多犯。是犯染汗起。不犯者爲斷彼故。起欲方便如前說。

外道凡夫修六行觀。厭下苦粗障。欣上淨妙離。所得四禪四等

四空名爲味禪。以其闇證無聞慧地。地生愛染境界。不分明故。若佛弟子。依六妙門。十六特勝等修之。不過借此對治。欲散令發出世正慧。非以此爲真實功德也。倘乍得禪境。而生味著。則與凡外何異。必當隨禪受生。退失大菩提道。豈不險哉。

○第二十四毀聲聞法戒

若菩薩。如是見。如是說言。菩薩不應聽聲聞經法。不應受。不應學。菩薩何用。聲聞法爲。是名爲犯衆多犯。是犯染汙起。何以故。菩薩尚聽外道異論。况復佛語。不犯者。專學菩薩藏。未能周及。

○第二十五背大向小戒

若菩薩於菩薩藏不作方便棄捨不學一向修習聲聞經法是名爲犯衆多犯是犯非染汙起前戒毀聲聞法則大小俱失故犯屬染汙此戒棄大習小則小爲大階故犯非染汙觀此二戒則後

世之自負大乘不甘小節者深違慈尊之訓明矣

○第二十六不習學佛戒
若菩薩於佛所說棄捨不學。反習外道邪論。世俗經典。是名爲犯。衆多犯是。犯染汙起。不犯者。若上聰明能速受學。佛經。若已久學。佛經。不復忘失。若已思惟。佛經。知其義。若於佛法。曾具足觀察。能得不動智。決不爲外學所動。若於日日常以二分時。勝受學佛經。一分。旁涉外典。是名不犯。如是菩薩。雖許一分劣時。旁涉外典。若復善於世典外道邪論。生見愛樂。不捨。不作毒想。不知愛見。二論過患。是名爲犯。邪論。隨書。生見。

衆多犯。是犯染汙起

律云。爲降伏外人故。日三時中。許一時讀外書。然不得隨書生見。夫欲伏彼。則不宜愛樂於彼。知其不能出離生死。則應作毒想矣。

○第二十七不信深法戒

若菩薩聞菩薩法藏甚深義真實義諸佛菩薩無量神力誹謗不受言非利益非如來說是亦不能安樂衆生是名爲犯衆多犯是犯染汙起或自心不正思惟故謗或隨順他故謗皆悉犯也是菩薩聞第一甚深義

雖不能卽生解心。然此甚能應於此甚。起信心不諂曲。應自深義。勉。我本不是盲無慧目。如來十力。具足。應是。根衆生而說。以是佛說。皆是慧眼應機之法。我今云何妄起謗。是菩薩。若能如是自知退處。于無知處而如是如來現知現見之。我等淺機之人。然則若深若淺。皆是。菩薩。如是自知退處。于無知處而如是如來現知現見之。

法正念觀正趣名不犯以非不解起而便謗故不犯也

法界理。三諦圓融。不可思議。如所云煩惱卽菩提。生死卽涅槃等是也。諸佛菩薩無量神力者。全理。

成希有事。重重合攝不可窮盡。如所云於一毫端現寶王刹。坐微塵裏轉大法輪等是也。以要言之。大藏教中。匪夷所思事理甚多。雖不卽解。亦應仰信。不可輒生誹謗也。寄語來哲。特宜慎此。

○第二十八歎已毀他戒
若菩薩以貪恚心。自歎已德。毀呰他人。是名爲犯衆多犯。是犯染汙起。不犯者。若輕毀外道。稱揚佛法。若以方便令彼調伏。如前說。又不犯者。令不信者信。信者增廣。

自歎已德者雖有實德而貪心故歎也毀告他人者雖有實過而恚心而毀也貪故歎恚故毀二事決不並起故名結輕若以貪心自他相形卽犯重矣惟以佛法與外道相形則是摧邪顯正故不犯戒又或方便調伏衆生令捨彼惡學已之善故亦不犯又或因於讚毀能令不信者信信者增廣則亦不犯戒也此須真實知機非可濫引爲例

○第二十九 憎慢不聽法戒

往聽者是名爲犯衆多犯是犯染汙起若嬾惰懈怠犯非染汙起不犯者若不解若病若無力若彼顛倒說法若護說者心若數數聞已受持已知義若多聞若聞持若如說行若修禪定不欲暫廢若鈍根難悟難受難持不往者皆不犯

○第三十輕毀法師戒

若菩薩輕說法者不生恭敬嗤笑毀訾。但著文字不依實義是名爲犯衆多犯是犯染汙起

說法之人自有文義俱妙者。自有義妙而文粗者。

自有文美而義淺者。故聽法人。但當依義。不當依文。倘因文粗而生嗤笑。毀訾其過深矣。

○第三十一不同事戒。菩薩有四攝法。攝取衆生。
一布施。二愛語。三利行。四同事。今卽同事攝也。
若菩薩住律儀戒。見衆生所作以瞋恨心。不與同事。
所謂思量諸事。若行路。若如法興利。若田業。若牧牛。
若和諍。若吉會。若福業不與同者。是名爲犯衆多犯。
是犯染汙起。若嬾惰懈怠。犯非染汙起。不犯者。若病。
若無力。若彼自能辦。若彼自有多伴。若彼所作事非。

法非義。若以方便令彼調伏如前說。若先許他。若彼有怨。若自修善業不欲暫廢。若性闇鈍。若護多人意。若護僧制。不與同者皆不犯。

是中興利田業牧牛等事則唯是在家菩薩應同
若行路和諍吉會福業等事則出家菩薩亦應同
也不犯有十二種各一若字爲句首可知

○第三十二不看病戒此中兼明不看貧苦

此中兼明
不看貧苦

若菩薩見羸病人以瞋恨心不往瞻視是名爲犯衆
多犯是犯染汙起若嬾惰懈怠犯非染汙起不犯者

若自病。若無力。若教有力隨順病者。若知彼人自有眷屬。若彼有力自能經理。若病數數發。若長病。若修勝業。不欲暫廢。若閼鈍難悟。難受難持。難緣中住。若先看他病。如看他病。有犯不犯。亦爾。

人雖復繫心一境難得心在一緣也餘並可知

菩薩見衆生造今世後世惡業以懶恨心不爲正說是名爲犯衆多犯是犯染汙起不犯者若自無智

若無力。若使有力者說。若彼自有力。若彼自有善知識。若以方便令彼調伏如前說。若爲正說於我憎恨說。必出惡言。若爲正說必顛倒爲。若我總無愛敬說必說。必與語。○懶力董切。不調也。若復彼人性弊懶戾。又平聲多惡也。又去聲性恨也。能招現報名爲今世惡業。能招生報後報名爲後世惡業。又殺盜姪妾等名爲今世惡業。願求人中天上五欲長壽而修施戒禪等名爲後世惡業。前之惡業。由于異熟果愚。應爲正說。世間因果。後之惡業。由于真實義愚。應爲正說。出世因果也。

○第三十四不報恩戒

若菩薩受他恩惠。以懶恨心。不以答謝。所謂不以若等若增酬報彼者。名爲犯衆多犯。是犯染汙起。若嬾惰懈怠。犯非染汙起。不犯者。若作方便而無力。若以方便令彼調伏如前說。若欲報恩而彼不受。

○第三十五不慰憂惱戒

若菩薩見諸衆生有親屬難財物難以憊恨心不爲開解除其憂惱是名爲犯衆多犯是犯染汙起若嬾惰懈怠犯非染汙起不犯者如前不同事中說

○第三十六不施財戒

若菩薩有求飲食衣服以瞋恨心不能給施是名爲犯衆多犯是犯染汙起若嬾惰懈怠犯非染汙起不犯者若自無若求非法物若不益彼物若以方便令彼調伏如前說若彼犯王法護王意故若護僧制雖不給施亦不加毀故僅結輕又或中下品慳非上品慳故結輕也不犯有六種並可知

若菩薩攝受徒衆。以瞋恨心。不如法教授。不能隨時。

從婆羅門居士所求衣食卧具醫藥房舍隨時供給。是名爲犯衆多犯是犯染汙起若嬾惰懈怠放逸犯非染汙起不犯者若以方便令彼調伏如前說若護僧制若病若無力若使有力者說若彼有力多知識大德自求衆具若曾受教自己知法若外道竊法不能調伏三十人不調應此咱四攝去中後三攝去菩薩若自樂遠離行不收徒衆則已苟受徒衆必定慧學財者衣食等四事供給也犯不犯並如文當以二事將護所謂以法以財法者如法教授戒

可知。言外道竊法者。本是外道。詐爲徒衆。意在盜取正法以附邪宗。向由未具他心。天眼誤攝受之。今既不能令其調伏。不以財法將護。亦不犯也。

○第三十八不隨他戒。此卽四攝法中。第三利行大攝攝也。普賢十大願王之中。名爲恒順衆生。當知衆生有事。我往助之。名爲同事。衆生求願。我應乘樂許之。名爲隨他。以大乘今好騎外取前苦。若菩薩以懶恨心。不隨他者。是名爲犯衆多犯。是犯染汙起。若嬾惰懈怠犯。非染汙起。不犯者。若彼欲爲若菩薩。以懶恨心。不隨他者。是名爲犯衆多犯。是犯染汙起。若嬾惰懈怠犯。非染汙起。不犯者。若彼欲爲

不如法事。若病。若無力。若護僧制。若彼雖如法能令多人起非法事。若伏外道故。若以方便令彼調伏。

○第三十九不隨喜功德戒。計外音應釋卷之
若菩薩知他衆生有實功德。以懶恨心。不向人說。亦不讚歎。有讚歎者。不唱善哉。是名爲犯衆多犯。是犯染汙起。若嬾惰懈怠放逸犯。非染汙起。不犯者。知彼少欲護彼意故。若病。若無力。若以方便令彼調伏。若護僧制。若令彼人起煩惱。起溢喜。起慢。起非義。除此諸患故。所以不說。若實功德之似原。而非功德。若實善不讚不犯。

卷之三

說之似而非善說。所以不說。不讚。不犯。若爲摧伏外道邪見。以
不說。不讚。不犯。若待說竟。方乃讚。說竟。方乃讚。說竟。方乃讚。

所以不說。若爲摧伏外道邪見。以不讚。不犯。方乃讚。歡唱善。

若實功德二句據餘譯文應正迴云。若似功德實非功德。若似善說實非善說。方于文理俱順。今是譯人迴文不盡。然不敢改。但添字釋之。則意自顯。

○第四十不行威折戒

若菩薩見有衆生應訶責者。應折伏者。應罰黜者。以染汙心。而不訶責。若但訶責。而不折伏。若但折伏。而不罰黜。是名爲犯衆多犯。是犯染汙起。若嬾惰懈怠。

放逸犯非染汙起。不犯者彼不可治不可與語難可
教誨多起慊恨。故置不罰責折伏罰黜所謂默擅法門若觀時責折伏然後詞
點故不罰責若恐因彼起鬭諍相違若相言訟若僧諍若壞僧
折伏罰黜若彼不詔曲有慚愧心漸自改悔。故不須詞責等
罪有三等小者應罰責中者應折伏大者應罰黜
又悞犯則容可恕故犯則應罰責罰責一改則應
折伏折伏不改則應罰黜若眷屬情重或受彼利
養而姑恕之皆名爲染汙心皆犯染汙起也

○第四十一神力不折攝戒

若菩薩既成就種種神力。則應恐怖者而恐怖之應引接者而引接之。欲令衆生消信施故。若不以神力

恐怖引接者。是名爲犯衆多犯。是犯非染汙起不犯者。若知彼衆生設見神力。則必更起染著。

或令外道謗聖。或反成

就邪見。故不恐怖引接。一切不犯。又若彼見神力。則必發狂。若由

而增苦受。故不恐怖引接。不犯

已成神力菩薩尚爾有犯。所以戒波羅密非佛地不能究竟滿也。二別列竟。

○三結問

諸大士已說衆多突吉羅法。若菩薩犯一一法應作突吉羅懺。若不懺者障菩薩戒。今問諸大士是中清淨不。說諸大士是中清淨默然故。是事如是持

于此衆多法中。隨犯一法卽應懺悔。若不懺悔。雖

不失戒而能障戒。如塵障鏡。如雲障日。不能顯明菩薩道也。勿輕小罪。以爲無殃。水滴雖微。漸盈大器。苟數數違犯。不生厭離。積輕成重。亦能失戒。其

如羯磨文中所明。可不慎哉。二正列戒相竟

○三結示宗趣三。初結指戒法功能。二勸示護持

心要三結顯護戒利益 ○今初

諸大士。我已說菩薩四波羅夷法。衆多突吉羅法。此是彌勒世尊摩得勒伽和合說。即律儀戒。便攝善法戒。是攝衆生戒。此諸戒法能起菩薩行能成菩薩道。起行則萬善莊嚴緣因佛性力也。成道則一性圓極了因佛性力也。並由此戒戒之功能大矣哉。

諸大士欲發心求阿耨多羅三藐三菩提者當善護持若護持者不起像法法滅盡想

○二勸示護持心要

由發大菩提心方得菩薩淨戒。由護菩薩淨戒方成無上菩提。更相由藉。不得暫離也。像法末法。自是衆生妄見分別耳。既欲護持菩薩妙戒。必須深觀法性常住。如佛在世等無有異。所謂靈山一會。儼然未散。安得起于像法法滅盡想而姑自寬恕哉。

○三結顯護戒利益

○三結顯護戒利益

言若護持此戒。則能令像法之世實義。仍得熾然
猶如正法住世不異。能令如來正法常住在世。永
不滅盡。以恒安住真法故。心得止住。自能成就佛法。
此自利畢竟也。即以此教化衆生。則有善巧方
便。故常無勞倦。此利他畢竟也。心得止住。是律儀
戒力。自成佛法。即攝善法戒力。教化衆生。常無勞
倦。即攝衆生戒力。由三聚戒。令成三利。故善業無
不畢竟堅固。速成佛道。何疑甚矣。護戒之利益大

菩薩戒本經箋要

跋語

予曩寓九華時。述梵網合註。已將此戒本經所有開遮持犯。盡會入于十重四十八輕中矣。比因半月半誦此戒本。猶有未解其文義者。堅以箋釋爲請。予恐犯重繁過辭之再三。復更請曰。末世鈍根。或不能徧閱合註。何不曲順時機。令誦者略知大意。庶不墮無知罪乎。于是勉篴其最切要處。以便初學。若夫菩薩比丘。自應徧學大小律藏。卽

卷之三

卷之三

菩薩沙彌及優婆塞亦應廣學大乘經律。豈容守此一滴而遺棄法海哉

辛卯夏日萬益智旭書于長干精舍

中良品也。本諱。宋翰共文義。本諱。宋
翰。本諱。宋翰。本諱。宋翰。余五。本諱。北
宋。本諱。北。本諱。北。本諱。北。

沙彌學戒儀軌頌

專譜十廣州沙門弘贊在參述

釋迦正覺子

密行最第一

弟髮著縵衣

號曰名沙彌

外國利潤彌
息除身口惡

華言名息慈

慈濟諸群生。

盡壽不行殺人及非人類
不與他毒藥墮胎使命終
若復以種種方便斷他命
卽獲大重罪而招破戒殃
亦無以瞋心打擲諸有情
四大本一同豈可興害意
不教他人作見作勿生喜
但當起慈心施恩令安樂

天竺正梵音
具足而稱言
室羅末尼羅
寂是圓寂義
出家當求趣
又翻勤策男
斷除諸煩惱
沙彌十學處
而趣涅槃岸。
勤修策勵故
今當次第說
聖戒體自圓。
聞已如說行

出家當義讓
不取於非財
願成正覺道
純行於檀度
婬欲鄙惡事
男女及畜生
捐除貪欲念
觀身爲苦本
心存六和敬
常念行惠施
國中無竊者
福智二莊嚴
沙彌不得作
犯卽獲重罪。
關閉六情根
志存清淨道。

一切諸含識
皆是未來佛
恒應興敬仰
誓自得佛時
咸修一乘道
不得盜他財
國無有殺者
俱登常寂果
乃至禽獸物
金銀草木等
無得私竊取
若欺若詐奪
偷稅盜關津
皆得犯戒罪。
自作或教他

願吾成佛國無有毀禁者。三德體圓明。勤策不應爲。謬證深妙法。兩舌離間彼。彼此說是非。遠離口業過。善法自增長。後成無上道。所有實語者。皆來生其國。悉具四辯才。諸穀華果酒。不得飲嘗。貪亦無授與人。增長愚痴業。酒爲衆惡門。造作諸過失。出家而飲酒。非佛釋種子。信戒不虧違。顛倒業皆離。五根力成就。

願吾成佛國無有毀禁者。悉修淨梵行三德體圓明。勤策不應爲謬證深妙法。兩舌離間彼彼此說是非。遠離口業過善法自增長。不爲虛誑行賢者一心持

卷之三

正

薰佩塗末香
重重嚴飾身

華鬘瓔珞具

種種麗鶯鳥

但猶沙彌等

修習如意足

六通以自嚴

哥舞仙姑集

斯皆不得作。

故往而觀聽
不著諸見聞

二第俱不輕

卷之三

卷之三

牀榻諸座等

過量不聽作

高宣一尺六

廣大亦不應

周涼紗羅帳

上妙檀禪被

出家屏憍恣

折伏我慢懷
而坐去空牀。

凡爲出家者

而坐注空瓶

非時而噉嚼

如來深訶責

諸有快樂具
生死不斷絕
世利不染身
聖法財日長
如是十禁戒
恒修少欲行
當證十力智
因由愛著故
不可生貪愛
前四爲根本
當證十力智
慎勿輕毀犯
如是十禁戒
恒修少欲行
當證十力智
比丘及菩薩
不許更重受
悉皆無其分

一切衆生類皆貪於食味
流轉三界中未暫離食住。
欲斷輪轉因鬼畜食應除
學佛中道義便獲九種禪。
金銀珍寶物沙彌不受畜
設有檀越施以供佛法僧。
爲彼興福故乃許而受用
若自私積財卽犯勤策戒。

後六設有虧
斷於後作心
犯罪無慚愧
罪垢日夜增
沙彌受戒已
所謂弄兵杖
籠繫諸飛鳥
戲彈禽獸類
深慚向師悔
戒品還圓淨。
覆藏不發露
後墮三惡道
復有不應作
恣意騎乘輿
畜養於六畜
看捕魚鱉等。

焚山堰塞瀆種植於五穀學習奇伎藝占相示吉凶談說國政事評議諸物價馳騁於四方自作若教他盡名犯戒行墾掘并耕犁販賣賈客作地理及醫巫仰觀星曆數及與世言論與他共諍利邪求以活命

非賢不可友
莫與年少交
在家出家女
路逢不相談
書疏絕往來
不從彼乞求
狎近而親厚。
居止勿同處
亦不共船載。
無令浣裁割
貸借與贈遺
無宜輒受取
亦無察視之。
彼若惠施已
設持於異物

若彼請法時
或彼所尊者
說已默然止
所有非法事
求寂諸威儀
爲利初學故
既爲出家者
律藏中廣備
今當說少分
夜當少眠卧
鹽漱嚼齒木
中夜過應起

徐步參師房
入已問訊師
具水及楊枝
取衣輕抖擣
禮敬於三尊
溫故以受新
次疊卧衣被
垂手出溺罐
夜卧安樂否。
以指輕擊戶
澡豆并坐物
兩手而擎授。
向師爲畔睇
寸陰無虛度。
拂拭牀枕席
勿睡起嫌心。
掃地益潔水
合掌向師問
爲治饑病故
食已淨除掃
或坐或經行
戒定慧薰修
請法當諦受
出家不依教
福德日消滅。

徐步參師房
入已問訊師
具水及楊枝
取衣輕抖擣
禮敬於三尊
溫故以受新
次疊卧衣被
垂手出溺罐
以指輕擊戶
夜卧安樂否。
澡豆并坐物
兩手而擎授。
向師爲畔睇
寸陰無虛度。
拂拭牀枕席
勿睡起嫌心。

江右先生集

卷之三

朝暮午三時

禮敬問訊師
答對須分明。

若被師詞責
悔罪請容恕

無得起嫌恨
慚愧而悛除

懺謝師不允
或請知識人

懲懃三悔過
求師乞恕罪

一切所作爲
唯除便利事

皆須先自省

比丘耆宿衆
師座及牀榻
自坐勿交足
齊整著衣裳
噴嚏呵欠來
淚唾嚼楊枝
唾擲棄諸物
當依淨僧住
咸應生恭順
沙彌不得坐
立時兩足齊
正身徐步行
衣手掩蓋口
並須向屏處
須磬或彈指

若取楊枝時 呪願彼樹神
 樹下水邊處 亦應誦伽陀。
 取水應觀蟲 蟲細至心察。
 有蟲密囊瀘 無乃聽飲用。
 停水喜生蟲 三時恒觀照。
 知蟲故用者 隨死數獲罪。
 囊中瀘得蟲 輕覆著淨器。
 待至取水處 徐放勿傷死。

用水須護淨 淨汙勿相觸。
 一切淨觸物 護淨並須知。
 出家當淨潔 免招黑業殃。
 世尊金口言 壹容不信受。
 淨手持香華 不應先聞鶻。
 萎華棄淨處 無令足踐踏。
 爐餅皆淨拭 椅案悉除塵。
 經書供養具 不得以口吹。

凡爲禮誦習咸應淨漱盥
 看經勿談話如對世尊容。
 師若出外時守房勤習誦
 回當却迎逆接持衣鉢等。
 若喚同行時低頭隨後去
 輕步勿揚塵足莫踏師影。
 到處應側侍教坐乃可坐
 有問方隨答無得擅出言。

歸寺爲解勞敷座令消息。
 日沒淨浣漱遶塔禮正覺。
 夜暗明燈燭慈心以物覆。
 護彼諸蟲蟻自獲善果報。
 燈有食火蟲減慎無口吹。
 應用物徐隱活蟲不失儀。
 夜卧莫先師爲師按摩體。
 教卧乃當去出房輕閉戶。

未至中夜時
臥法如獅王
繫念心在明
出家貪睡眠
大小便將來
依時卽當行
脫換淨衣履
至廁須彈指
由當勤禪讀
右脇累兩足。
不可恣情臥
失慧長愚冥。
不得留忍耐
先具淨水土。
低頭直視去
覺彼內人知。

未至中夜時
臥法如獅王
繫念心在明
出家貪睡眠
大小便將來
不可恣情卧
失慧長愚冥。
右脇累兩足。
由當勤禪讀
不得留忍耐。
先具淨水土。
脫換淨衣履。
依時卽當行。
低頭直視去。
至廁須彈指。
覺彼內人知。

或灰或黃土 洗手二七度
 左手先洗七 後七兩手洗
 如上所作爲 各念呪七遍
 歸房三漱口 便利事乃訖
 此等清淨行 皆是佛親說
 無得生輕誹 自獲其苦報
 旣以信出家 常須順正教
 謹心而奉行 自獲勝功德

淨潔修行道 諸天咸生喜
 修道不求榮 知足行分衛
 自折我慢幢 福利彼檀越
 不望施得美 與麤亦不嫌
 趣得支身命 行道長法軀
 設被他毀辱 歡喜而忍受
 慎勿以瞋對 彼此兩自損
 唯加於善願 令彼後信長

當持奉上師
乃可自食食。
有喚咽已應
以報施者恩。
不應獨行乞
乞時當隨師。
應以法利育
過於父母恩。

生長我戒身。養吾智慧命。
非師之功力。其誰而能之。
是故須勤事。師名及字號。
尊重如世尊。若他詢問時。
不得輕稱啓。乃說師之名。
云我因問至。二師年戒臘。
及與本生處。國土州縣名。
一切咸應識。

自所受戒年 月日并時影
 一一皆須記 勿使失次第
 如斯依教持 自利而利彼
 正法日增長 是爲真佛子。

沙彌學戒儀軌頌

沙彌

府

縣

人

年

月

日

時

生

生

年

月

日

時

出家

剃染受沙彌戒

和尚諱

號

係

府

縣族姓子

年

月

日

時生

爲沙彌

年

月

日

時受

具足戒

阿闍梨諱

號

係

府

縣族姓子

年

於小舍。經一處。或靜。或立。或坐。或半紙。次誦伽他。諸以寺
舍房宇。布施衆僧。造寺之主及護。先誦
春天神。國王百僚。師僧父母。因緣
慈氏。見一切衆生。若先亡者。願生
西方。見阿彌陀佛。或生兜率天。見
現身。如來脫屣塵勞。悟無生忍。其
罪悉皆發露盡。未來際。不失信心。
我尸羅。自存者。願無病長壽。福智莊嚴。願
有逢善知識。願生中國。離於人難。常不犯
誦之友。卽以此福。並施一切。同出
念有流證。發願者。是解脫急人。不
銷信施。

沙彌十戒威儀錄要

古吳萬益沙門智旭依律重輯
出家受十戒者名爲沙彌。此翻息慈謂息世染之情以慈濟羣生也。又云初入佛法多存俗情故須息惡行慈也。唐三藏云室利摩那路迦此翻勤策男寄歸傳云授十戒已名室羅末尼譯爲求寂沙彌二字古訛略也。今但約所翻三義釋之初息慈者息見思惡修生緣慈藏教沙彌息見思惡修法緣慈通教沙彌次第息三惑修三慈別教沙彌二

心圓息三惑。圓修三慈。圓教沙彌次勤策者。精勤策勵出分段生死藏。通沙彌精勤策勵出變易生死別圓沙彌三求寂者。求偏真涅槃藏。通沙彌求大般涅槃別圓沙彌。又盧舍那翻淨滿惡無不息故淨慈無不行故滿是沙彌戒卽盧舍那真因也。又涅槃以不放逸爲食勤策卽不放逸義是沙彌戒卽大涅槃法食也。又寂卽本覺之理。求卽始覺之智。始本合一名究竟覺。是沙彌戒卽究竟覺之通衢也。又惡本性空慈本性具心性本無懈廢本

惟空寂理卽沙彌達理受戒名字沙彌圓伏五住觀行沙彌六根清淨相似沙彌惑破理顯分證沙彌盧舍那名淨滿大般涅槃永離放逸始覺本覺冥合不二究竟沙彌如大通佛時十六王子卽是沙彌真實標榜故沙彌威儀云沙彌五德一者發心離俗懷佩道故二者毀其形好應法服故三者永割親愛無適莫故四者委棄身形遵崇道故五者志求大乘爲度人故緇門警訓云此之五德出家大要五衆齊奉不惟小衆終身行之不惟初受

由此觀之。沙彌戒法統括性修該徹因果。豈可視作小乘法耶。受此戒者大須著眼。大須努力。不應自輕而退屈。不應捨此而別求也。藏中十戒法并威儀。失譯人名文多繁複錯誤。大比丘三千威儀亦失譯名。南山行護威儀多屬大比丘事。近世沙彌成範杜撰違律不可依從。百丈清規元朝世諦住持穿鑿尤爲可恥。獨雲棲大師律儀要略頗有斟酌。堪逗時機。而開遮輕重懺悔之法尚未申明。今不得已重爲輯錄。仍分十戒威儀兩門。至於授

戒之法事屬大僧。茲不重出。

○初十戒門

不殺生。凡有命者不得故殺。若自殺。教他殺。方便殺。呪殺。
墮胎破卵。與他毒藥。令命斷者。並得殺罪。若殺生。
身父母。羅漢聖人。犯逆罪。墮阿鼻獄。若殺人。犯重
罪。失沙彌戒。不通懺悔。若殺天龍鬼神。犯中罪。猶
許懺悔。滅犯戒罪。而性罪不減。終須償報。若殺畜
生蟲蟻蚊蠅等。犯下罪亦許懺悔。滅犯戒罪。而性

罪仍須償報。若殺人不死犯中方便可悔罪。殺天
神畜蟲等不死皆犯下方便可悔罪。助他令殺皆
得本罪。人重天等中畜生等下也見殺歡喜得方便罪。若見他

人重。天等中
畜生等下也

解冤釋告。人所惡豫

不偷盜
凡有主物不得盜心故取。若自取教他取。方便取。
咒取。因寄取。迷惑取。誑取。抵債不還偷稅冒渡等。
令前人失物並名爲盜所取直五錢卽八分銀犯重罪。

八卽分銀

犯重罪。

失沙彌戒。不通懺悔。四錢以下。犯中罪。二錢一錢犯下罪。猶許懺悔減犯戒罪。而性罪不減。須加利償。若不償者。後生轉重。終無可賴之理。若盜而未得。犯方便罪。須殷重懺悔。免致墮落。

三不姪欲

一切世間。若男若女。若人若鬼。若畜生等。並不得染心交遘。亦不得與他人姪。但有干犯。皆犯重罪。失沙彌戒。不通懺悔。若欲姪未和合而卽止。犯中方便罪。須殷重懺悔。若起姪心。卽應痛自訶責。

四不妄語

若未證四果。妄言已證。未得四禪。妄言已得。未悟道妄言已悟。及妄言天來龍來。鬼神來等。虛而不實。誑惑世人。名大妄語。犯重罪。失沙彌戒。不通懺悔。若功夫稍稍得力。不知法相。謂證果等名。增上慢。本無欺誑之心。故不失戒。然須請問師長先達。決擇是非。殷勤悔過。捨其有所得心。精求真正出要。方免沉墜耳。若本欲妄語。或說不了了。前人未領。或中止不說。並犯方便中可悔罪。急須懺除。又

口過有四。一妄言。二綺語。三兩舌。四惡口。一妄言者。見言不見。不見言見。聞覺知等。亦復如是。又實有而言無。實無而言有。欺誑他人。並名妄言。此是性罪。犯者急須懺悔。誓不更造。若不改者。現世爲人所賤。死墮三塗。二綺語者。無義無利。世俗浮辭。增長放逸。忘失正念。亦須急懺。誓不更造。若不改者。現世爲人所輕。死墮惡道。三兩舌者。向此說彼。向彼說此。構起是非。乖離親友。亦是性罪。急須懺悔。誓不更造。若有犯者。現世爲人所怨。死墮地獄。

四惡口者。罵詈呴咀令他不堪。此亦性罪。急須悔斷。若有犯者。現世爲人所怒。死墮三塗。○律攝云。佛之弟子。言常說實。不應爲盟自雪。表他不信故。設被誣謗。亦不應作誓。

五不飲酒
不論是何等酒。但令飲之能醉人者。一滴不可入口。飲卽犯戒。急須懺悔。若不改者。現世爲人所恥。死墮惡道。若病非酒不能引藥。白師友等方服。六不著香華鬘不香塗身

結萃爲鬟莊嚴身首。佩服香袋脂粉飾容。並是士女妖冶之態。非出家人所宜。

七不歌舞倡伎不往觀聽

唱曲吟詩名之爲歌。掉臂躡足名之爲舞。吹簫彈琴
琴雙陸圍棋擲骰賭錢醫卜星相投壺射箭馳馬
試劍等並名倡伎非出家人所應爲也○供佛宜
使人作樂不宜自作○讚佛宜梵唄不宜用歌曲
音聲○有真實見地方可作偈拈頌不得習學詩
書類彼山人清客○學字但令端楷不得爲好故

防廢出世正業

江
引
凡
法

六

八不坐高廣大牀。牀足但高一尺六寸。坐時脚不掛空。過此量者。卽名爲高。但可容身轉側過此。卽名爲廣。旣高且廣。卽名爲大。非出家人所宜坐卧也。况漆彩雕刻紗絹帳褥等耶。隨衆卧長連牀。不犯說法。登師子座。不犯白衣舍。中無卑小牀座。暫時坐卧。不犯九不非時食。

從明相出至日正午。名之爲時。從日稍側乃至次

日明相未出名爲非時。非時而食名爲破齋。咽喉
結罪。若非時。漿含消藥。終身藥。並皆無犯。○非時
漿者。果漿蜜漿等。清無查滓。含消藥者。蜜糖。鴉糖。
酥油。亦無查滓。終身藥者。薑。桂。板梅。及一切丸藥。
一切湯藥。一切散末。其味酸澁苦辣。不任爲食者。
有病因緣。盡壽聽服。

高尚之致。故捉持者悉皆犯罪。除爲三寶暫捉或爲師長父母掌舉自不貪畜非犯

已上十戒前四若犯名破根本亦名邊罪。非作法懺之所能治。若欲進比丘戒及菩薩戒須是結壇取相懺耳。第九若犯名爲破齋。餘五若犯名破威儀。皆須殷重悔過方不障道慎之慎之

○次威儀門

△敬大沙門第一

大沙門卽比丘衆也

不得呼大比丘名字

一切比丘應稱某師

不得盜聽大比丘

說戒半月誦比丘戒。平日講比丘戒。或作如法僧事。先遣未受具戒者出。一切不得盜聽。盜聽卽成盜法重難亦不得先自開律及開比丘戒。不得求大比丘長短不得轉行說大比丘過失不得屏處罵大比丘不得輕易大比丘於前戲笑效其語言形相行步不得坐見大比丘過不起除讀經時飯時作衆事時剃髮時病時行時逢大比丘當下道正住讓之四分律云沙彌應以生年爲次第。若生年等者應以出家年爲次第。方廣大莊嚴經云。佛法如海容納百川。四流歸之皆同一味。據戒前後不在貴賤四大合故

假名爲身。於中空寂。本無吾我。當思聖法。勿生憍慢。

比丘體是僧寶。故論戒臘。沙彌未預僧數。故論生年。縱使百歲沙彌。應敬初戒比丘也。

△事師第二

當早起。欲入戶。當先三彈指。具楊枝潔水。授衣履。裝被。拂拭牀席。掃地。益潔水。師出未還。不得捨房中去。若有過。和尚阿闍梨教誡之。不得還逆語。大視二師。當如視佛。若使出不淨器。不得唾不得恚怒。暮當按摩師。末師受食。不應作禮。師坐禪。不應作禮。師經行。不應作禮。師盥漱未畢。及未

洗淨。著襲衣時。皆不應作禮。師眠息。不應作禮。師閉戶。不應戶外作禮。欲入戶作禮。應三彈指。師不應。應去。持師飲食。當兩手高捧。食畢。斂器當徐徐。授師新果。當先作淨。或火淨。或刀淨。或指爪刹淨。若果不堪爲生種者。不須作淨。授師非時漿。須以水點淨。侍師不得對面立。不得高處立。不得太遠立。當令師小語得聞聲。不費尊力。請問佛法。當整衣禮拜。合掌諦聽。思惟深入。問家常事。不須禮拜。但端正師側。據實申白。師若身心倦。教去。應去。不得心

情不喜見於顏色。凡有犯戒等事。不得覆藏。速速
詣師哀乞懺悔。師許則盡情發露。精誠悔改。還得清
淨。若犯四根本戒。依師決疑。方可行取相懺。師語未了。不得語。不得
戲坐師座。及卧師牀。著師衣帽等。爲師馳達書信。
不得私自拆看。亦不得與人看。到彼有問。宜答則實。
對不宜答。則善辭郤之。彼畱不得便住。當思速歸。或
路遠逼暮。風雨難緣等。隨時制宜。師對賓。或立常
處。或於師側。或於師後。必使耳目相接。候師所須。
師疾病。始終調治。房室被褥藥餌粥食等。一一用心。

料理。凡侍師。不命之坐。不敢坐。不問。不敢對。除自
有事欲問。凡侍立。不得倚壁靠桌。宜端身齊足側
立。欲禮拜。若師止之。宜順師命。勿拜。西土止一禮無三拜法。

師有所使令。宜及時作辦。不得違慢。凡睡眠不
得先師。除有病。白師乃先睡。人問師名。當云上某
下某。問師號。卽云某甲。不得離師自住。若師命終。
若師遠行。不得隨去。應問當依止何人。隨師語。卽依
止住。一切還如事師法。或師不指示。便命終遠行。須
更擇明師依止而住。若師返俗。若師破戒。若師被僧

沙門戒法

擯亦應更擇明師依止而住。不得縱情自用。年滿二十。詣出家事。應求師方便。進比丘戒。或年不滿二十。或雖滿二十。衆緣未湊。不能進比丘戒。皆當發菩提心。先求受菩薩戒。作菩薩沙彌學大乘法。俟年滿緣湊。更進具戒。卽成菩薩比丘。根本雜事云。若人依託師主於佛法中。剃除鬚髮而被法服。以淨信心出家修行。彼人於師乃至盡壽四事供養。未能報恩。△隨師出行第三
不得過歷人家。不得止在道邊。共人語。不得左

右顧視。當平目直視隨師後。到檀越家。當住一面。師敎坐乃坐。到他寺院。師禮佛。或自禮。不得擅自鳴磬。若山行。當持坐具相隨。若遠行。不得相離太遠。若過渡。當持杖徐試淺深。若偶分行。約於某處會。不得後時。師受齋。當立出生。齋畢。復當侍立收覲。

△入衆第四。不得於衆中。不得於座上。遙相呼語笑。衆中有失儀。當隱惡揚善。不得伐勞顯己之功。不得睡不在

人前起不在人後。不得與大比丘同座坐。除大法會。不得與白衣同座坐。除大法會。不得與白衣同座坐。除大法會。多用水。嚼楊枝吐水。須低頭引水下。不得噴水濺人。不得高聲涕唾。不得於殿塔及淨室淨地淨水中涕唾。當於僻處。喫茶湯時。不得隻手揖人。不得向塔洗齒。及向二師大比丘等。不得多言多笑。若大笑及呵欠。當以衣袖掩口。不得急行。不得將佛燈私就已用。然燈當以罩密覆。勿令飛蟲投入。供佛花。取開圓者。不得先喫。除萎者方供新入。

者。萎者不得棄地踐踏。宜著屏處。應爲大僧給楊枝。澆水等。隨力能爲。卽當爲之。不得偷安。聞呼卽念佛應之。不得云有云是。凡拾遺物。卽當白主事僧。不得與年少人共相結友。不得妄著割截三衣。濫同大比丘僧。應著縵條袈裟。縵條謂無縫也。袈裟謂壞色也。根本律云。求寂之徒。縵條是服。輒披五條。淡爲罪濫。神州久扇斯風。此成非法。不得多作衣服。若有餘當捨。不得辦精緻絲拂玩器等。粧點江湖。徒爲識者所笑。不得著色服及類俗人衣飾等。不得用絲

紳絹帛傷慈犯制。不得不淨手搭衣。不得坐視大衆勞務。避懶偷安。不得私取常住竹木花蔬菜。一切飲食。一切器物等。或自用。或作人情。不得談說朝廷公府政事得失。及白衣家好惡長短。凡自稱當舉二字法名。不得云我。云小僧。云某甲。不得因小事爭執。若大事難忍者。亦須心平氣和以理論辯。不可則辭而去。若動氣出粗。卽非法器。若違僧制。聞白椎不得抗拒不服。

△隨衆食第五

聞鍵椎聲。卽當整衣服。臨食呪願。皆當恭敬。凡出生。安左掌中。默念偈云。汝等鬼神衆。我今施汝供。此食遍十方。一切鬼神共。凡欲食。先作五觀。一計功多少量。彼來處。二忖已德行。全缺應供。三防心離過貪等。爲宗四正事。良藥爲療形枯。五爲成道故。方受此食。食無呵。食好惡。不得以食私所與。若摘與狗。來益食。不得言不用。若已飽。當以手讓郤之。不得搔頭。使風屑落比座碗鉢中。不得含食語。不得笑談雜話。不得嚼食有聲。不得喫粥羹等。

作聲。欲挑牙。先以袖掩口。食中或有蟲蟻。宜密藏棄之。莫令比座見。生疑心。當一坐食。不得食訖離座更坐。除有正務。不得食訖。以手指刮碗鉢。食。凡食不得太速。不得太遲。行食未至。不得生煩惱。或有所需。默然指授。不得高聲大喚。不得碗鉢作聲。不得食畢先起。須俟結齋同起。除有正務。食中有穀。或去皮食之。或聚一處出時持施。禽鳥見美味。不得貪心。恣口食。不得偏衆食。若體弱。不能持非時食。戒寧退作近住男。勿掛虛名。日

日招破齋罪

△禮拜第六
朝嚼齒木。盥漱清淨。方行禮敬。禮拜不得占殿中央。是住持位。有人禮佛。不得向彼頭前徑過。凡合掌。不得十指參差。不得中虛。不得將指插鼻。須平胸高低得所。不得非時禮拜。如欲非時禮。須待人靜時。師禮佛。不得與師並禮。當隨後禮。師拜人。不得與師同拜。在師前。不得與同類相禮。手持經像。不得爲人作禮。不應著襪衣禮他。亦不得襪

衣受禮

△聽法第七

整理衣服。平視直進。坐必端嚴。不得亂語。
不得大咳唾。凡聽法須諦聞審思。如實修習。不得
專記名言以資談柄。不得未會稱會。入耳出口。
少年戒力未固。宜隨師苦行操履。不得早赴講筵。

△學習經典第八
先學沙彌戒。一能行。次學大乘經律。不得竊看比
丘律藏。以成盜法重難。凡學經須先白師。經完更

白。別學某經。不得口吹經上塵。不得經案上包
藏茶末雜物。不得以帽置經卷上。不得以小乘
經律放大乘經律上。不得以外書放內典上。經
典損壞速宜修補。不得不淨手執持經卷。對經
卷如對佛。不得戲笑。不得案上卷帙縱橫失次。
不得以穢裹不淨器物放經案上。借人經看。須加
愛重。勿令損壞。若借看不還。所直五錢卽犯根本重
戒。不可不慎。人閱經時。不得近彼案前。經行。不
得高聲動衆。沙彌本業未成。不得學習外書子史。

治世典章詩詞歌賦等。智力有餘爲降伏外人故。
 習學外書不得隨書生見解。不得揀應赴道場經
 卷先習學。卽是當不參預直正誦明此經本重
 △入寺院第九。卽是當不參預直正誦明此經本重
 入寺門不得行中央。須緣左右邊行。緣左先左足。緣
 右先右足。不得無故登大殿遊行。不得無故登
 塔。入殿塔當自南而西而北而東右遶。不得左轉
 遠塔或三匝七匝乃至十匝百匝。須知徧數。不
 得以笠杖等倚殿壁。不得著木屐等入殿塔中。

不得手捉木屐等入殿塔中

△入堂隨衆第十

單上不得抖衣被作聲。扇風使鄰單動念。下牀默
 念偈云。從朝寅旦直至暮。一切衆生自廻護。若於足
 下喪身形。願汝卽時生淨土。不得高語大聲。輕
 手揭簾須垂後手。不得拖鞋作聲。不得大咳嗽。
 作聲不得鄰單交頭接耳講說世事。或親友相
 看。不得在堂中久話。相邀林下水邊。乃可傾心談論。
 上單下單。俱當細行。勿令鄰單動念。不得單上

寫文字。除衆看經教時。若看經須端身澄心默玩。不得出聲。二板鳴。卽宜早進堂歸位。不得單上相聚擺茶雜話。單不得單上縫補衣被。不得眠卧。共鄰單說話動衆。不持臥具。不持大迦葉。

△執作第十一。不持坐具。不持高貴大迦葉。

當惜衆僧物。當隨知事者教令。不得違戾。凡洗菜。當三易水。凡汲水。先淨手。凡用水。須諦視有蟲無蟲。若有蟲。以密羅濾過方用。若嚴冬。不得早濾水。須待日出。凡燒竈。不得然腐薪。凡作食。不得

帶爪甲垢。凡棄惡水。不得當道。不得高手湯溪。當離地四五寸。徐徐棄之。凡掃地。不得迎風掃。不得聚灰土。安門扇後。洗內衣。先須拾去蟣虱。夏月用水盆了。須覆令乾。若仰卽蟲生。不得熱湯潑地。

上 大小頭項各處莫倚。內最介脊。皆掌土持瓶。出

△入浴第十二

先以湯洗面。從上至下。徐徐洗之。不得粗躁。以湯濺他人。不得浴堂小遺。不得共人語笑。人天寶鑑云。一沙彌入浴。戲笑遂感沸湯地獄之報。凡

有瘡癬宜在後浴。或有可畏瘡尤宜廻避。不得恣意久洗。妨礙後人。不得脫衣著衣。安詳自在。當湯冷熱依例擊梆。不得大喚。或其處無梆亦和婉說之

△入廁第十三

欲大小便卽行。莫待內逼倉卒。竹竿上掛直裰。摺令齊整。以手巾或腰絳繫之一。作記認。二防墮地。須脫換鞋履。不得淨鞋入廁。至當彈指或警咳。使其中人非人知。不得迫促先在廁人使出。已上復當彈指作聲。令廁中非人知。不得低頭視下。

不得持草畫地。不得努氣作聲。不得隔壁共人語。

不得唾璧。便畢當洗淨。次洗手。未洗手不得

持物。未洗淨洗手。逢人不得作禮。宜側身避之。

不得沿路行繫衣帶。小解時亦要收起衣袖。小

解畢。卽淨洗手。未洗手。不得持物。不得作禮。

△眠卧第十四

臥須右脇名吉祥臥。不得仰卧。偃卧及左脇卧。不得與大比丘同室過三宿。或同室各有遮障。過三宿非犯。不得與大比丘同榻宿。或有難緣。得至二宿。

沙彌戒法

十一

至第三宿應輪次起坐。除看重病或自有重病。不得與同事沙彌共榻。設無異榻不得共被。設無異須各著襯身衣。不得兩身相觸。凡掛鞋襪小衣等。不得過人頭面。不得聖像及法堂前攜溺器過。不得睡牀上笑語高聲。不善見律云。臨欲睡時。應先念佛念法念僧念戒念天念無常。於六念中隨一念。

△閏爐第十五

野畢當戒無火。火生奉持手不昇。不得交頭接耳說話。不得彈垢膩火中。不得烘。

焙鞋襪 不得向火太久妨後人。稍煖便宜歸位。

△在房中住第十六

更相問訊須知大小。欲持燈火入。預告房內知云火入。欲滅燈火。預問同房人更用燈否。不得口吹燈火。應徐郤炷令熄。滅燈後。不得高聲念誦。若有病人。當慈心始終看之。有人睡。不得打物作響。及高聲語笑。不得無故入他房院。

△到尼寺第十七

無二人不得單進。有異座方坐。無異座不得坐。

不得爲非時之說。若還不得說其好醜。不得書疏往來。及假借裁割浣洗等。不得手爲淨髮。不得令尼淨髮。不得屏處共坐。不得彼此送禮。不得囑託尼僧入豪貴家化緣。及求念經懺等。不得與尼結拜父母師徒姊妹。△至人家第十八問。同上。人更用器皿。不醫身穴。有異座當坐。不得雜坐。不得左右顧視。不得雜語。不得多笑。人間經當知時。慎勿爲非時之說。若與女人說法。不得低聲密語。不得多語。不得

誑說佛法。亂答他問。自賣多聞。求彼恭敬。不得詐現威儀。假粧禪相。求彼恭敬。主人設食雖非法會。亦勿失儀軌。不得雜坐酒席。不得空室內或屏處。與女人共坐共語。不得書疏往來。及假借等。不得送盒禮效白衣往還。不得結拜白衣人。作父母姊妹兄弟。不得管人家務。不得說僧中過。若詣俗省親。當先入堂中禮佛。或家堂聖像。前端莊問訊。次父母眷屬等。一問訊。不得向父母說師法嚴出家難。寂寥淡泊艱辛苦屈等事。宜爲說佛法。

令生信增福。不得與親族小兒等久坐久立雜話。
戲笑。不得問族中是非好惡。無犯夜行。若天
晚作宿。當獨處一榻。多坐少卧。心念佛事。訖即還。
不得畱連。
不輕對人。定慤心。不執持物。中懷。
△乞食第十九。
白衣乞食。不斜離。取白衣人前。當與老成人俱。若無人俱。當知所可行處。到人門戶。宜審舉措。不得失威儀。家無男子。不可入門。若欲坐。先當瞻視座席。有刀兵不宜坐。有寶物不宜坐。有婦人。衣被莊嚴等不宜坐。欲說經。當知所應。

說時不應說時。不得說與我食。令爾得福。不得哀求苦索。不得廣談因果。望彼多施。不得專向熟情施主家。及熟情菴院處索食。

△入聚落第二十。
不輕對人。執持物。中懷。
 有三寶事及看病等切緣。方入。無切緣。不得入。不得馳行。不得搖臂行。不得傍視人物行。宜端身平目直視而行。不得共少年談笑行。不得與女人。前後互行。不得與尼僧。前後互行。不得與醉人。前後互行。不得故視女人。不得眼角傍看。

女人或逢尊宿親識俱立下傍先意問訊或逢戲幻奇怪等事俱不宜看或遇官府不論大小俱宜迴避或遇鬪諍者亦遠避之不得住看凡遇水坑水缺不得跳越有路當遶行無路衆皆跳越則得非病緣及急事不得乘驢馬等設有事緣暫乘不得戲心鞭策馳驟不得回寺誇張所見奇事

△市物第二十一

勿爭貴賤勿坐女肆若爲人所犯方便避之勿從求直已許甲物雖復更賤勿捨彼取此令主有

恨慎勿保任致愆負

△凡所施行不得自用第二十二入大殿問僧事當出入行來當先白師作新法衣當先白師著新法衣當先白師荆頭當先白師作新法衣當先白師作衆僧事當先白師欲有私具紙筆之類當先白師若諷經起當先白師若人以物惠已當方送人從已借物當先白師師聽方與已欲借人物當先白師師聽方借白師聽不聽皆當作禮不

聽不得有恨意

沙彌戒法

三

△ 參方第二十三
欲決擇心地須白師問可參處。師或未知須博問先知求真實善知識乃可往參。古人云。具眼參方既未具眼。又無先達指示。徒自行脚。墮得叢林粥飯習氣。於事何益。慎之慎之。遠行要假良朋。不得觀玩山水。惟圖遊歷廣覽。誇示於人。所到之處。歇放行李。不得徑入殿堂。一人看行李。一人先進問訊。取當住進止。方可安頓行李入內。

△ 受具遮難第二十四

十三重難

謂受具戒後復入外道中。今更來求受戒。

一壞內外道

謂受佛七衆戒法者。最初令其破根本戒。

二破他梵行

謂他盜

三賊心入道

謂未受具戒。盜益看比丘說戒。及丘律藏。

四黃門

謂五種不男。謂五種。

八犯邊罪

謂曾受五戒。入戒十戒具戒之後。於殺人盜五鏹邪淫大妄語。隨犯一種。

弑父

十弑母

十一弑阿羅漢

十二破和合僧

十三出佛身血

得受。已受戒者應減擯。

十六輕遮

一不得度奴 家主與姓則得 二不得度賊 千里之外改行從善則得

三不得度負債人 或債累或親友代償 四不得授

年未滿二十者具足戒 待滿二十則得 五至九不得度癩

白癩癰疽乾瘡顛狂五種病人 病愈則得 十父母不聽

不得度令出家 求聽則得 十一不得度官人 食祿盡則得王聽亦

十二不得無衣鉢受具亦不得借衣鉢受具 或 十三不自稱名十四不肯稱

不卽索者則得者許彼辦竟方還

和尚名十五教乞戒而不乞十六著白衣衣外

道衣莊嚴具等又年六十不得受具戒惟聽爲沙

彌

△請和尚法第二十五

無和尚不得受具二和尚乃至多和尚亦不得受具欲受具時若本授十戒和尚在不須更請若本師已在前應更擇明師請之偏袒胡跪合掌作如是語我某甲今請大德爲和尚願大德爲我作和尚我依大德故得受具足戒如是三說

△比丘六物名相第二十六

一安陀會。此云中宿衣。亦云雜作衣。或五條。一長一短。或縵條。或七條九條等。已舊降作安陀會受持。皆得各隨身量。豎三橫六。下二衣並同。二變多羅僧。此云上著衣。亦云入衆衣。正應七條。兩長一短。應割截。貧者帖條亦得。或九條等。稍舊降作變多羅僧。亦得三僧伽梨。此云重衣。亦云雜碎衣。應九條。二長一短。僧祇律許至十五條。不得過。四分律許至十九條。

不得過。根本律許至二十五條。不得過。應割截。貧者若有割截。變多羅僧。則帖條僧伽梨亦得。四尼師壇。此云坐具。應兩層作。長佛二揲手半。周尺廣二揲手。周尺四尺。卧時敷卧具上。襯身。坐時敷地。襯衣。五鉢多羅。此云應量器。或瓦或鐵爲之。大不過三升。小不過升半。乞食用之。六漉水囊。以細熟密絹爲之。不得無漉囊行二十里。此是護生要用濟物行慈之具。斷不可缺。搭衣偈呪等。律文不載似不必用。律中最重一切時中專修四念處觀。不可不急講求。

○附錄

大乘大集地藏十輪經有依行品云。癡慢號大乘。彼無有智力。尚迷二乘法。況能解大乘。譬如闕壞眼。不能見衆色。如是闕壞信。不能解大乘。無力飲池河。詎能吞大海。不習二乘法。何能學大乘。先信二乘法。方能信大乘。無信誦大乘。空言無所益。內懷真斷見。妄自號大乘。不護三業罪壞亂我正法。彼人命終後定墮無間獄。善男子。有諸衆生。於聲聞乘獨覺乘法未作劬勞。正勤修學。如是衆生根機未熟。根機下劣。

精進微妙。若有爲說微妙甚深大乘正法。說聽二人俱獲大罪。亦爲違逆一切諸佛。所以者何。如是衆生實是愚癡。自謂聰敏。陷斷滅邊墜顛狂想。執無因論。於諸業果生斷滅想。撥無一切善作惡作。妄說大乘壞亂我法。非法說法。法說非法。實非沙門。說是沙門。實是沙門。說非沙門。實非毘奈耶。說是毘奈耶。實是毘奈耶。說非毘奈耶。愚癡顛倒。憍慢嫉妒。朋黨之心。於大乘法稱讚擁護。令廣流布。於聲聞乘獨覺乘法。誇毀障蔽。不令流布。不能如實依於三乘捨俗出家。

受具足戒成苾芻性亦不如實修集一切善法因緣。如是撥無一切因果斷滅論者雖在人中實是羅刹。於當來世無數大劫難得人身命終定生無間地獄。於諸苦趣輪轉往來受諸苦惱難可救濟。如是過失皆由未學二乘之法先入大乘。問十輪經中佛誠森嚴必令先習二乘法乃可聞學大乘正法不爾。則說聽二人俱獲大罪亦爲違逆一切諸佛後又云衆家男女未受沙彌具足等戒而徑受大乘菩薩戒者多過失皆由未學二乘之法先入大乘今時多有出

亦有出家雖久五戒尚未受者今皆聽聞無上妙法此義云何特求請決然二乘法通三藏今在律中故約戒問答諸佛說法對病不同隨機有異然究其要歸則一而已如十輪經專爲一類執大謗小者說具如所問矣若法王等經復爲一類執小謗大者則云定無三乘設有分別三乘根性是人舌根卽當墮地卽爲誹謗諸佛正說故白香山拈此兩義以爲難也然苟明法華宗青兩義冷然爲鈍根者須以小乘權接爲執小者須以一乘開顯權是實家之權權尚

不知何能知實。所謂無力飲河詎能吞海。此十輪經之所訶也。實是權家之實苟不悟實權亦何爲所謂不信此法。是上慢人。此法王經之所斥也。今若發大乘心以爲其本。然後隨力漸學。權實佛法。既不違法王經所斥。亦不違十輪經所訶。所以西域諸國。具有菩薩優婆塞優婆夷等七衆。七衆無非大乘。大乘不廢小檢。如法華經十六王子菩薩沙彌。即是誠證。彼雖受菩薩戒。仍禮聲聞比丘之足。何嘗執大謗小。若必不許沙彌受菩薩戒。尤不應許優婆塞等受菩薩戒。

戒則應菩薩。但有比丘比丘尼二衆。決定無七衆矣。梵網所云。一切有心者。皆應受佛戒。如何可通。豈近住沙彌。一一皆木石耶。至于聽聞無上妙法。結一乘緣。一切不遮。乃獨疑于出家未受五戒之人。又豈出家未受五戒。反更不如在家未受三歸者耶。摩訶止觀云。今末代癡人。聞菴羅果甘甜可口。卽碎其核。嘗之甚苦。果種甘味。一切皆失。無智慧故。刻核太過。亦復如是。聞非調伏。非不調伏。亦不礙調伏。亦不礙。不調伏。以不礙故。名無礙道。以無礙故。灼然溼沃。公

行非法無片羞恥與諸禽獸無相異也。此是敬鹽太
過鹹渴成病。經云。貪著無礙法是人去佛遠。譬如天
與地。大經云。言我修無相。則非修無相。是住不調。非
不住也。乃至汗辱戒律。陵穢三寶。周家傾蕩佛法。皆
由此來。是名大礙。荷關無礙。本卷之總音義
根本尼陀那云。汝等若以信心投我出家。情求涅槃。
修淨行者。所著衣服直一億金錢。所住房舍直金錢。
五百所噉飲食具足百味。如是等事。我皆聽受。汝並
堪銷。若破重戒者。於僧住處。乃至不銷一口之食。僧

伽藍地不容一足。善見律云。一切作諸惡法無人不知。初作者護身神見。次知他心天神知。如此之人。天神俱見。是故大叫喚。展轉相承。傳至梵天。置無色界。餘者悉聞。僧祇律佛訶覆藏云。犯戒尚不慚羞。悔過何以慚羞。卽說偈言。覆蓋者則漏。開者則不漏。是故諸覆者。當開令不漏。毘尼母經云。寧吞鐵丸而死。不以無戒食人信施。佛藏經云。破戒之人。不應於彈指頃。住聖人相在袈裟中。持經云。三十二相無差別。因皆是持戒。何以故。若

犯戒者不得下賤人身。况大人相。菩薩善戒經云。
三十二相。雖復各各說其因緣。真因緣者持戒精進。
何以故。若不持戒。能修精進。尚不得人身。況得三十。

二相。聲聞禁戒一切善法悉是阿彌多羅三藐三菩提因。以證益明強勸言獎蓋音頭氣開音眼不識彌十戒威儀錄要事體頃要錄云。耽斯而不識

四分律藏大小持戒犍度畧釋

三藏佛陀耶舍共竺佛念譯

此一犍度。畧釋二義。一當分明義。二跨節明義。言當分者。大卽比丘。小卽沙彌。同以此戒爲本。不持此戒。非佛弟子。佛非其師。故名大小持戒犍度。當知是中與諸比丘同戒。乃至斷除一切妨道之法。

名波羅提木叉戒。捨五蓋入四禪。名爲禪戒。五通三明。名無漏戒。此三戒法出世通途。文中雖獨言

卷之三

比丘實通沙彌所共修習也。言跨節者。大卽大乘。自利利他。小卽小乘。專求自利。通以此戒爲本。不持此戒。自他俱失。華嚴經云。具足受持威儀教法。能令三寶種性不斷。涅槃經云。菩薩作是思惟。出家閒曠。猶若虛空。一切善法。因之增長。在家逼迫。猶如牢獄。一切惡法。因之而生。往詣僧坊。聞佛有無上道。無上正法。大衆正行。卽求出家。白四羯磨。持性重戒。息世譏嫌。等無差別。如秉浮囊。度於大海。不爲愛見。羅刹之所毀損。因是持戒。能生五支。

諸戒。一根本業清淨戒。謂十善性戒。衆戒根本。卽此文中不殺不盜等是也。二前後眷屬餘清淨戒。前是犯戒方便。後是二篇以下。若前若後。皆根本戒之眷屬。餘是隨律威儀及諸經所制。如方等二十四戒之流。此支卽今文中離妨道法等是也。三非諸惡覺覺清淨戒。定共戒也。卽此文中得聖諸根。一心除蓋等是也。四護持正念。念清淨戒。道共戒也。卽此文中四念處觀是也。五廻向。具足無上道戒。大乘戒也。謂菩薩於此戒中。具四弘六度。發

願要心廻向菩提言四弘者。菩薩自傷已身及諸衆生。破戒造罪失人天及涅槃樂。卽知是集。往來生死受惡道報。卽知是苦。苦集與戒定慧相違。卽無道。無道故不得涅槃。則無滅。今欲拔苦集而起大悲興兩誓願。依苦諦發。卽衆生無邊誓願度。依集諦發。卽煩惱無盡誓願斷。欲與道滅而起大慈。興兩誓願。依道諦發。卽法門無量誓願學。依滅諦發。卽佛道無上誓願成。言六度者。厭惡出家捨於所愛。卽是檀。纖毫不犯。拒逆羅刹。卽是尸。能檢節。

身心安忍打罵。名生忍。耐寒暑貪恚及八風等。名法忍。愛見不能損。卽是羼提。守護於戒犯心不起。卽是精進。決定持戒。不爲狐疑所誑。專心不動。卽是禪。明識因果知戒。是正順解脫之本。出生一切三乘聖果。非六十二見。雞狗等戒。名爲般若。言發願要心者。卽是梵網經中十二誓願自制其心。毘尼藏中亦盛明此意。又更發願。願一切衆生得清淨戒善法戒。乃至具足諸波羅蜜戒等。釋此十支戒法。具如妙玄及釋籤中。廻向菩提者。以此持戒。

功德莊嚴無上菩提。故菩薩善戒經云。聲聞禁戒。一切善法悉是阿耨多羅三藐三菩提。因此第五支無上道戒。准望今文。卽是四禪五通三明。亦可收前四支總歸大乘也。智者大師云。三歸五戒十善二百五十。皆是摩訶衍荆谿尊者云。一止一作無非法界。又云。戒無大小。由受者心期。中道偏入空假及事律儀方得名爲具足持戒。是知大乘亦以此戒爲本。須作跨節明義也。畧釋大義竟。文分爲二。初發起因緣。二正說法要。今初

爾時世尊在拘曇彌國。或云拘曇毘或云
或云優填或云鄧王優陀延。中印度境此翻不動姓頗羅儺陀行那。此翻出受。是賓頭盧。此翻捷疾利根廣語親厚知識王朝晡常往問訊。時有不信樂婆羅門大臣從王。白王言。云何大王朝晡問訊此下賤業人。而見王不起。王卽報言。明日清旦當往。若故不起。當奪其命。王明日清旦便往賓頭盧所。遙見王來。便作是念。此王今懷惡心來。若我不起。當奪我命。我今若起。彼失王位。若我不起。當奪我命而墮地獄。令此王墮地獄耶。失王位耶。尋復念言。寧令失位不可令墮地獄。

即使起遠迎。先意問訊言。善來大王。王問言。汝今何故起迎我耶。答言。爲汝故起。王言。昨日何故不起。答言。亦爲汝故。王問言。云何爲我耶。答言。汝昨日善心來。今日懷惡心來。若我不起。當奪我命。若奪我命。必墮地獄。我念言。此王持惡心來。若我不起。當奪我命。若我起者。必失王位。若奪我命。必墮地獄。寧當令失王位。不令墮地獄。是故起耳。王問言。我當失位耶。答言失。王復問。幾日當失。答言。却後十日。時王卽還拘。睠彌修治城塲。收檢穀食柴薪。聚集軍衆。守城警備。

數日過。言今日是初日。如是乃至七日。作如是言沙

門語。虛便與諸綵女在恒水中乘船遊戲。時憇禪王

國內猛光王所治國

七年不雨。彼聞摩竭國具云摩

翻善勝。又翻無惱。又翻不害中印度境。影勝。又顏色端王瓶沙。具云頻婆娑羅。此翻模

形牢。又影堅。又有出水珠。若出此珠。天卽雨。彼便興

四部兵

象馬車步

往王舍城。即摩竭國都城之名圍城而住。彼城牢

固。非餘方便可得。唯水穀飲食盡。乃可得耳。時城內有多方便。智慧大臣。教以竹筆。音委竹名著池中。合衆蓮華在孔中。生出竹上。時彼大臣至瓶沙王所。白言。王

今知不。王舍城牢固。非餘方便可得。唯水穀盡乃可得耳。今應遣人語波羅殊提王。卽猛光也如是言。今可且停。不須象馬車乘刀劍共鬪。汝今可用衆華優鉢羅

青蓮華

鉢頭摩。

紅蓮華

拘頭摩。

黃蓮華

分陀利華。

白蓮華

共鬪。

我亦當以如是華共鬪。汝復可作飯搏相打共鬪。我亦作飯搏共鬪。王言可爾。時卽遣使往波羅殊提王所具說上言。彼作是念。王舍城牢固。唯有水穀飲食盡。乃可得。而城內水穀飯食豐多。彼卽報使言。我不爲城故來。我國內七年不雨。聞汝國中有水珠。若出

此珠時。天卽降雨。以是故來。使答言。大王初時何不言須珠。若言須珠。我卽當與。王今可去。尋當送珠。王卽還軍向拘昧彌國。彼聞王優陀延與綵女遊戲聲。卽問傍人言。戲聲是何人。傍臣答言。大王知不。王優陀延與諸綵女乘船遊戲於恒水中。是彼戲聲。王卽勅傍人勿作聲。放象於恒水邊。彼卽放第一白象。藏守象人。時王優陀延大臣出見白象。白王言。有野象王。卽勅人言。勿作聲。牽船近岸。彼卽近岸。王優陀延善知調象法術。卽誦術彈琴往前取象。時守象人卽

便捉王。王甚恐怖。彼問王言。王怖耶。王言我怖。彼言王勿怖。波羅殊提王喚王。王更恐怖。念言。波羅殊提將無殺我。并及侍從耶。即便繫之。衛送往波羅殊提王所。問言汝怖耶。答言怖。王言勿怖。汝可教我見瞿波羅未見翻。調象術。并教我女彈琴。彼將至慰禪國。七年中鎖脚。時彼教王兒調象術。教女彈琴。後於異時。遂與王女共通。瞿波羅王子知之。彼作是念。若我白王。必奪其命。彼是我師。教我辛苦。此是王女。彼是王。得應爾耳。即覆藏不語人。後王優陀延欲逃走。即自

嚴疾行。猝象

猝音字
母獸也

瞿波羅知之。便作是念。彼自嚴疾行。象必欲逃走。若我白王。必奪其命。此是我師。教

我辛苦。遂藏不語人。彼安王女置象上。於象上飲失

瑠璃器。未至地頃。已從慰禪國至拘睺彌國。王卽至奢彌跋提未見翻。夫人所語如是言。我在彼繫時。誓言。

當供養八婆羅門。一切所須皆令具足。今欲與之便可辦具。夫人答言。若如是者。諸象馬車。金銀七寶。王及我身。一切當盡。如許所有。併與一人。彼亦都受。猶無厭足。王言。今當云何。夫人言。此摩訶迦旃延翻爲文飾

牛皮度量尺

或翻離有無破我慢心。南天竺婆羅門姓也。十弟子中論義第二。

是大婆羅門種。今

可請之。并更請餘七婆羅門種比丘。以王如許供具與此八人。彼法不受若與亦不受。王言可爾。時王優陀延卽往迦旃延所頭面禮足却坐一面。時迦旃延種種方便爲王說法。令得歡喜。時王聞法歡喜已。白如是言願受我明日請食。通已八人。時迦旃延默然受之。時王見迦旃延默然受請。已從座起頭面禮足歡喜而去。王還其家辦種種多美飲食。明日清旦。往白時至。時大迦旃延清旦著衣持鉢。通已八人。往王

優陀延宮敷座而坐。王優陀延手自斟酌種種多美飲食。令得飽足。食已捨鉢。取金瓶盛水授之。以象布施。迦旃延言止止。王此便爲供養已。我等不應受如是供養。復以車馬人黃金銀琉璃玻璃真珠。瑣瑣瑪瑙七寶布施。迦旃延言止止。此便爲供養已。我等不應受如是供養。時王優陀延卽禮迦旃延足已。更取卑牀坐。時迦旃延種種爲王說法。令得歡喜已。從座起而去。還寺內。白諸比丘。諸比丘白佛。佛爾時以此因緣集比丘僧。爲諸比丘說大小持戒犍度。

初文可知。次文分五。初明師法勝妙。二明因心勝
妙。三明波羅提木叉勝妙。四明禪戒勝妙。五明無
漏戒勝妙。夫國君者民之父母。福報殊勝。何故比
丘起座遠迎。遂失王位。良繇具此種種勝妙。則天
龍亦所欽承。人王安得忽慢。今之出家者。縱未得
禪定。通明而依佛出家。持諸禁戒。處阿蘭若。固已
超出世網。豈容責以迎送之儀。設令比丘不及賓
頭盧之大德。汝等檀越亦豈具國王之厚福耶。清
信之士所應深思。又出家人應思我已離俗。得廁

僧倫稱佛爲師。爲佛弟子。不向國王禮拜。不向父
母禮拜。天龍護持。鬼神皈敬。倘不堅持禁戒。遠離
惡法。專修定慧。則爲欺詭。一切人天。則爲玷汙。一
切僧寶。則爲謗毀。法律違背。如來故佛。以此因緣
爲諸比丘說。此犍度深有關也。而或者自反無德
內懷怯畏。反敬白衣。名爲謙讓。此尤不可。何者。如
來示滅之後。法身慧命全寄僧輪。戒品初沾寶體。
實不稱於比丘名義。寧當捨戒。壞法門。如原思

辭祿孔子不許說者謂居官受祿萬古常規苟才不稱職則應辭官不應辭祿世法尚爾况出世大法豈可進退失措乎至於不輕比丘通禮四衆此乃圓解初開慶而且愍逗彼時機應須強毒本屬格外善權非是通途軌則如或不然世尊何不立爲常法夫不輕卽如來前身彼旣繇此行得淨六根倘可通行豈忍秘惜而法輪初轉便結木叉姿羅極唱終扶戒律况今末運士習日倣僧體日頹設使不輕復起決不向卑劣慢邪慢我慢慢過慢

之四衆行此禮敬使其徒有損而無益也故菩薩善戒經云菩薩坐時見王長者起者得罪若先加趺見王長者跪者得罪若先衣不整見王長者檢容整服者得罪若王長者說惡語時隨意稱讚者得罪故知大小兩乘如出一轍豈曰用自貢高哉遵佛戒法爲王長者惜福也初明師法勝妙中有三初具足十號二超世自覺三說法真善今初如來出世應供正徧知明行足爲善逝世間解無上士調御丈夫天人師佛世尊

如名本覺來名始覺。始覺合本故名如來。又二乘
如而不來六道來而不如。佛知涅槃卽生死故不
同二乘知生死卽涅槃故不同六道出世者現形
三界度衆生也應受九界衆生供養故名應供覺
法無差亦無不盡名正徧知。且約三藏教門釋者
二乘斷見思惑不斷習氣正而不徧菩薩徧修六
度萬行伏惑未斷徧而非正佛斷煩惱正習俱盡
復達一切差別之法盡其源底故名正徧知也。明
行足者具足三明及六神通。二乘亦得三明。明不

滿足。佛悉滿足是爲異也。善逝者地持云第一上
升永不復還亦云好去大論云於種種諸深三摩
提無量智慧中去。世間解者了知世間衆生界一
切種煩惱及清淨無上士者一切衆生中最勝無
有上調御丈夫者大慈大悲調御一切或輒美語
或苦切語或時雜語令不失道天人師者示導一
切天人善惡之法應作不應作事佛者具云佛陀
此翻覺者自覺異凡夫覺他異二乘覺行圓滿異
菩薩世尊者具上十號天上人間所共尊重也。若

總畧釋無虛妄名如來良福田名應供知法界名正徧知具三明名明行足不還來名善逝知衆生國土名世間解無與等名無上士調他心名調御丈夫爲衆生眼名天人師知三聚名佛具十德名世尊古人科列云一倣同先迹號二堪爲福田號三徧知法界號四果顯因德號五妙往菩提號六達僞通真號七攝化從道號八應機授法號九覺悟歸真號十三界獨尊號此卽合無上士調御丈夫爲一號以世尊共成十數也今叢林中課誦以

善逝世間解作一句此斷不可畧解十號名字如此廣說其義則不可盡二超世自覺

於一切諸天世人沙門婆羅門天魔梵王衆中而自覺悟證知

一切諸天乃至梵王於生死中長夜不覺設有妄自稱一切智實非正覺以不離三界因果法故佛從曠劫修菩提道應衆生可化機緣示生王宮出家苦行坐道樹下以三十四心斷三界正習俱盡如實知苦諦如實知集滅道諦三界長夢從此而

開無明長夜。從此而且。不從師學。故曰自。毫無迷惑。故曰覺悟。現量境界了了分明。故曰證知。具三說法真善。爲人說法。初語亦善。中語亦善。文義具足。開顯淨行。繇自覺悟。於法無倒。辨理辨機。故名爲善。初中後義有多種。若約一偈。第一句爲初。次二句爲中。末句爲後。若約一席序分爲初。正說爲中。流通爲後。若約一化。或大小共爲初中後。華嚴爲初。阿含方

等般若爲中。法華涅槃爲後。或大小各爲初中後。小則鹿苑最初。遺教最後。餘名爲中。大則華嚴最初。涅槃最後。餘名爲中。更約誘化一人。爲說施戒。生天之論。名初讚歎出離。欲不淨名中說。四真諦令證道果爲後。又令證小果爲初。恥小慕大爲中。授記作佛爲後。又令種善根名初。令熟名中。令脫名後。又世界悉檀名初。爲人對治名中。第一義悉名後。如此若初若中若後。無不辨理辨機。有文有義。總以開顯淨行。令成淨果爲致。故名真善也。

二明因心勝妙中三。初得聞正法。二聞已信樂。

三難捨能捨。今初。

若居士居士子聞。若復餘種姓生者。
二聞已信樂

二聞已信樂

彼聞正法。便生信樂。以信樂心而作是念。我今在居家妻子繫縛。不得純修梵行。我今寧可剃除鬚髮。被袈裟。以信捨家。入非家道。

三難捨能捨。錢財親屬舉世所共貪戀。一時頓捨。
故云出家乃大丈夫事也。

彼於異時錢財若多若少皆捨棄。親屬若多若少皆亦捨離。剃除鬚髮被袈裟。捨家入非家道。

亦

三明波羅提木叉戒勝妙中二初明根本善戒次

彼與出家人同除捨飾好。與諸比丘同戒。不殺生。放

捨刀杖常有慚愧慈念衆生是爲不殺生捨偷盜與
便取不與不取其心清淨無有盜意是爲不偷盜捨
婬不淨行修梵行勤精進不著欲愛清淨香潔而住
是爲捨淫不淨行捨妄語如實不欺詐於世是爲不

妄語捨兩舌。若聞此語不傳至彼。若聞彼語不傳至此。不相壞亂。若有離別。善爲和合。和合親愛。常令歡喜。出和合言。所說知時。是爲不兩舌。離麤惡言。所言麤獷。音拱粗貌苦惱他人。令生瞋恚而不喜樂。斷除如是麤惡言。言則柔軟。不生怨害。能作利益。衆人受樂。樂聞其言。常出如是利益善言。是爲不麤惡言。離無利益語。知時語。實語。利益語。法語。律語。滅諍語。有緣而說。所言知時。是爲離無利益語。不飲酒。離放逸處。不著華香瓔珞。不歌舞倡伎。亦不往觀聽。不高廣牀。

上坐。非時不食。若是一食。不持持金銀七寶。不取妻妾童女。不畜養奴婢。象馬車乘。雞狗猪羊田宅園觀。儲積畜養一切諸物。不欺詐。輕秤小斗。不合和惡物。治生販賣。斷他支節。殺害繫閉。斷他錢財。役使作業。言輒虛詐。發起訛訟。棄捨他人。斷除如是諸不善事。行則知時。非時不行。量腹而食。度身而衣。取足而已。衣鉢自隨。猶如飛鳥羽翮身俱。比丘如是所去之處。衣鉢隨身。合和音蛤賀翻音効鳥之勁羽又云羽莖也卽翅膀也

善不飲酒等六戒。止列其相。不取妻下。畧示威儀。

大途餘如律中廣明。次明遠離諸惡。

如餘沙門婆羅門。受他信施。求種種餘積。飲食衣服。香味觸法。離如是無厭足事。如餘沙門婆羅門。食他信施。聚集種子。種植樹木鬼神村。離如是事。如餘沙門婆羅門。食他信施。但作方便。求諸利養。象牙雜寶。高廣大牀。種種文繡被褥。及與雜色諸皮。離如是利益法。如餘沙門婆羅門。食他信施。但作方便。自求嚴身。蘇油摩身。香水洗浴。以香塗身。香澤洗頭。著好華

蔓染服。紺色種種莊嚴面首。色線繫臂。捉通中杖。執持刀劍。并孔雀蓋。以珠爲扇。以鏡自照。著綠色革屣。著純白衣。能離如是莊嚴之事。如餘沙門婆羅門。食他信施。專爲嬉戲。碁局博掩。擣捕八道十道。或復拍石。斷除如是種種嬉戲。如餘沙門婆羅門。食他信施。但說妨道法。說王事。賊事。鬪戰軍馬事。大臣事。騎乘事。園觀出入事。臥起事。女人事。衣服飲食事。親里事業。如餘沙門婆羅門。食他信施。無數方便。但作諛詔。國土事。思憶人間入大海事。斷除如是一切妨道之

美辭。現相毀訾。以利求利。捨如是邪。命諛詭。如餘沙門婆羅門。食他信施。常共講論。諍言。或在園觀。若在浴池。或在講堂。我知如是法律。汝無所知。汝趣邪道。我向正道。以前言著後。後言著前。我能忍汝。不能忍。我勝汝。汝但在言。共汝論議。我今得勝。能問便問。除斷如是一切諍事。如餘沙門婆羅門。食他信施。但作方便。求爲使命。爲王王大臣婆羅門。若居士。通信。從此處。往往彼處。從彼還此。持此信往。彼持彼信來此。自作是教。他作是能遠離。如是使命事。如餘沙門婆羅門。食他信施。但作種種鬪戲。或弓鬪。或刀鬪。或杖鬪。或鬪雞。或鬪狗。或鬪猪。或鬪羖羊。或羝羊鬪。或鬪鹿。或鬪象。或鬪馬。或鬪駝。或鬪牛。或犛牛鬪。或水牛鬪。或鬪女人。或鬪男人。或鬪童男童女。斷除如是一切嬉戲鬪事。羖音古。羝羊也。羝音低。牡羊也。善抵。犛音封。野牛也。如餘沙門婆羅門。食他信施。行妨道法。邪命自活。瞻男女好惡相種種畜生。以求利養。除斷如是種種妨道法。如餘沙門婆羅門。食他信施。行妨道法。邪命自活。召喚鬼神。或復驅遣種種禳禱。除斷如是妨道法。如餘沙門婆羅門。食他信施。行妨道法。邪命自活。

門。食他信施行妨道法。邪命自活。或爲人咒病。或誦惡術。或誦好咒。或治背病。若爲出汗。或行針治病。或治鼻。或治下部病。除斷如是。邪命妨道法。如餘沙門婆羅門。食他信施行妨道法。邪命自活。行藥療治人病。或吐或下。治男治女。除斷如是。妨道法。如餘沙門婆羅門。食他信施行妨道法。邪命自活。或咒火。或咒行來令吉利。或誦刹利咒。或誦鳥咒。或誦枝節咒。或安置舍宅符呪。若火燒鼠。噉物能爲解咒。或誦別死生書。或誦別夢書。或相手相肩。或誦天人問。或誦別

鳥獸音聲。盡除斷如是。妨道法。如餘沙門婆羅門。食他信施。邪命自活。瞻相天時。或言當雨。或言不雨。或言穀貴。或言穀賤。或言多病。或言少病。或言恐怖。或言安隱。或言地動。或言彗星現。或言月蝕。或言不蝕。或言日蝕。或言不蝕。或言星蝕。或言不蝕。或言月蝕。有如是好報。有如是惡報。日蝕星蝕亦如是。除斷如是邪命法。如餘沙門婆羅門。食他信施行妨道法。邪命自活。或言此國當勝。彼國不如。或言彼國勝。此國不如。或此勝彼不如。或言彼勝。此不如。瞻如是吉凶。

好惡除斷如是妨道法。

此中共十七段。或云無厭足。或云利養法。乃至或云妨道邪命。皆其餘沙門婆羅門所爲。而釋子所不爲。設亦爲此。則何用捨家出家。此是正順解脫之本。故名波羅提木叉。亦名增上戒學也。第四明禪戒勝妙。禪戒亦名定共戒。而定共通取欲界地定。此獨取根本定爲異。文復爲四。初繇戒攝根。二節身調食。三進修念處。四永棄五蓋。今初

彼於此事中修集聖戒。內無所著。其心安樂。眼雖視

色而不取相。不爲眼色所劫。眼根堅固。寂然而住。無所貪欲。而無憂患。不漏諸惡。不善法。堅持戒品。能善護眼根。耳鼻舌身意亦如是。於如是六觸入中。善學護持。調伏。令得止息。猶若平地四交道頭。駕象馬車。乘善調御者。左執韁。右執鞭。善學護持。善學調伏。善學止息。比丘亦如是。於六觸入中。善學護持。善學調伏。善學止息。

前之戒法。即是聖所行處。一切聖人。皆以此戒爲基本。皆繇此戒得解脫。始受戒時。發得無作律儀。

無漏色法。卽與聖人同體。故名聖戒。依此修集。則身口七支既得清淨。心亦安樂。六賊不能劫我家寶。名爲堅固。六觸入者。六根觸於六塵。互相涉入也。護持名戒。調伏名定。止息名慧。平地四交道頭。卽十字街頭。喻四聖諦出世正法路也。執韁不令馳逸。喻止善。執鞭策令進路。喻行善。二節身調食。彼有如是聖戒。得聖眼根。食知止足。亦不貪味。以養其身。而不貢高驕慢。自取支身。令無苦患。得修淨行。

故苦消滅。新苦不生。無有增減。有力無事。令身安樂。猶如男子女人。身患瘡。以藥塗之。取令瘡差。比丘食以知足。取令身安。亦復如是。一切衆生。皆依食住。斷之則無以自存。恣之則更增苦本。故旣制非時食戒。只此時食。復須知止。如頭陀行所明受。一食節量食。以此支身。少欲少事。新苦不生。守此道。人家風畢竟不改。故無有增減。心清淨故有力。絕希求故無事。饑餓如瘡。飲食如

佛度釋

藥藥取療瘡。豈生貪著。三進修念處。

譬如人以膏油膏車爲財物故欲令轉載有所至到比丘食知止足取令支身亦復如是比丘有如是聖戒得聖諸根於食中能知止足初夜後夜精進覺悟若在晝日若行若坐常爾一心念除諸蓋彼於初夜若行若坐常爾一心念除諸蓋彼於中夜側右智累脚而臥念當時起繫想在明心無錯亂至於後夜便起思惟若行若坐常爾一心念除諸蓋比丘有如是聖戒逮聖諸根食知止足初夜後夜精進覺悟常爾

一心念無錯亂云何比丘念無錯亂比丘如是觀內身身念處精進不懈念無錯亂調伏慳貪世間憂惱觀外身身念處精進不懈念無錯亂調伏慳貪世間憂惱觀內外身身念處精進不懈念無錯亂調伏慳貪世間憂惱受心法亦如是是爲比丘念無錯亂云何比丘一心若行步入出左右視瞻屈伸俯仰執持衣鉢受取飯食大小便利睡眠覺悟若坐若立若有所說若復寂然如是一切常爾一心是爲一心譬如有人與大眾共行若在前若在中若在後常得安樂

而無有畏。比丘亦復如是。行步入出乃至默然常爾一心。比丘有如是聖戒。得聖戒根。食知止足。初夜後夜精進覺悟。常爾一心。無有錯亂。

此中先喻後法。膏油塗車。欲令轉載爲成道故。方受此食。若但知有力無事爲安樂而不晝夜精進。覺悞。則與深山鹿豕何異。故必常爾一心念無錯亂。所謂四念處觀。二六時中一片打成四威儀內初無間斷。方名不雜用心也。四念處義。今當畧說。一身念處。二受念處。三心念處。四法念處。依此念

處修出世道乃是佛法最要之門。不惟藏教三十七品以此爲首。若通若別若圓。無不依之行道。故佛臨涅槃答阿難最後之間。教諸比丘依念處行道。依波羅提木叉住。是以不登戒品。則不堪共住。不修念處。則終無進趣。智者大師申此法門。共有四卷。指示四教行人下手方便。若欲委知必須熟閱。今聊陳梗概以便初學。若無念處慧。一切行法皆非佛法。非行道人。皆空剃頭。如放牧童子。空著染衣。如木頭躋。雖執鉢錫如病乞丐。雖讀經書。如

盲誦賦雖勤禮拜如碓上下。雖復興造如媒銜客作。雖捨身命財但得名施非波羅蜜。雖復持戒。不免雞狗。雖復坐禪如彼株杌。雖復知解狂顛智慧。常在此岸不到彼岸。不降愛見不破取相。不得入道品非賢聖位。若有念慧能破邪顯正。成就三乘出世道果。乃至成就無上菩提。釋此四念處通爲四意。一三藏四念處。二通四念處。三別四念處。四圓四念處。藏通別圓名義。具如彼文。此未暇述。今釋三藏四念處觀四者。數也。念者慧也。處者境也。

數有開合。若迷心重者爲說五陰。則合色開心。迷色重者爲說十二入。則合心開色。二迷俱重爲說十八界。則心色俱門。諸法四者人於五陰橫起四倒。於色多起淨倒。於_二樂倒。於想行二法多起我倒。於識心多起常倒。爲除四倒。故言四也。身念處者。一切色法名之爲身。已名內身。眷屬及他名外身。已他合觀名內外身。念無錯亂者。觀我此身從前世不淨業生。前世不畏生死。不厭繫縛。不欣解脫。不尚涅槃。於四聖諦毫無願樂。種顛倒業。

業縛於識。將入母胎。則有五種不淨。一生處不淨。
胎中十月。與糞穢雜處。從尿道而出。二種子不淨。
攬父母精血。二滯爲體。三相不淨。從首至足。純是
穢物。四性不淨。根本從穢業生。托於穢物長養。其
性自是不可改變。身中共三十六物。內有十二名。
性不淨。皮膚血肉筋脈。外有十二名。相不淨。髮毛爪齒。
脣舌。眼淚涎唾。耳屎汗。中有十二通於相性。肝膽腸胃脾腎心。
肺。生藏熟藏赤痰白痰。五究竟不淨。業盡報終。如朽敗木。大小不淨。盈
流於外。體生諸蟲。唼食其肉。皮肉既盡。惟餘白骨。

我身既爾。他身亦然。如是觀已。不於自他身中生
淨顛倒。故無錯亂。無錯亂故。則能調伏慳貪憂惱
畧舉三界二種苦。因此二亦能該攝一切見思煩
惱。言調伏者。始從別相修習觀慧。稍復明利。次入
總相。觀身不淨。受心法皆不淨。乃至觀法無我。身
受心亦無我。繇此觀慧能令未生惡不生。已生惡
得斷。未生善得生。已生善增長。名四正勤。四種定
生。名如意足。五善根生。名五根。五煩惱破。名五力。
分別道。用名七覺。安隱道中行。名八正道。得善有

漏五陰名爲煖法。從此伏三界惑次第進入頂位。忍位世第一位發真無漏一十六心得見道迹。乃至九無礙九解脫成無學道。皆依念處行道而得調伏成就也。受念處者領納名受緣內名內受。緣外名外受。緣內外名內外受。又意根受名內受。五根受名外受。六根受名內外受。於一根有順受。違受。不違不順受。於順生樂受。於違生苦受。於不違不順生不苦不樂受。亦名捨受。六根卽有十八受。根塵能所合三十六受。約三世有百八受。諸受皆

苦。樂受是壞苦。樂壞則苦。苦受是苦。苦當體卽苦。捨受是行苦。遷移生滅別配如此。通皆三苦也。心念處者心是心王。例上有內心外心。內外心。心王不任。體性流動。若麤若細。若內若外。悉皆無常。剝那遷變。出息雖存。入息難保。法念處者。例上亦有內法外法。內外法。復有善法惡法。無記法。人皆約法計我。我能行善行惡行無記等。若於心王計我。已屬心念處攝。若於心所計我。但除五徧行中受心所。餘四心所及別境。善惡不定。乃至不相應行。

卷之三

三

等並屬法念處攝。此等法中求我決不可得。若善法是我惡法應無我。若惡法有我善法應無我。又惡法是我何容爲惡自害。若無記是我者無記不能起業。但名因等起。謂因此無記起善起惡。善惡尚非我。因等起何得是我。當知皆無我。但是行陰。故經云。起唯法起。滅唯法滅。無有我人衆生壽命。陰法起滅。亦是顛倒。顛倒者。即是身邊二見。名汗穢五陰。無記亦是汗穢五陰。無記緣報法起。故皆無我也。雖心王心所。同時俱起。用有強弱。若心王

強屬心念處。若心所強屬法念處如是。內外善惡等法。求我不可得。名法念處。修此四念處觀。有三種不同。一者性念處成慧解脫。對破一切智外道二者共念處成俱解脫。對破神通外道。三者緣念處成無疑解脫。對破韋陀外道。具如彼明。又有三人不同。一者聲聞人。依四諦觀。苦諦爲初門。修此四念處。斷見思惑。證四道果。二者緣覺獨覺人。依十二因緣觀。集諦爲初門。修此四念處。智慧利故。兼侵習氣成辟支佛果。三者菩薩人。發四弘誓道。

物月昇季

二六

諦爲初門。依於六度修此四念處。三大阿僧祇劫。伏惑利生。機緣淳熟。然後三十四心頓斷。結使正習俱盡。成無上道。亦具如彼明。當知四念處觀。三乘通路。又是邪正分門。若得四念處。一切法正。若不得者。一切法邪。今時行人。不識此意。設極修善。緣法。因緣支。即是四諦。無明。行。愛。取。有是集。諦。識。知三藏要意。正厭生死。欣入涅槃。第一須解正因。知色六入。觸受。生老死。是苦諦。知苦。斷集。是道諦。

無集無苦。是滅諦。識此無明老死破外人邪。因緣無因緣生。一切法種種顛倒。不隨虛想邪僻。深信正因緣也。第二須真正發心。驚覺無常之火。燒諸世間。一心求出剎那不懈。修習禪慧。如救頭然。第三須巧修定慧。出世之行。欲界亂心。如風中燈照物不了。若有定無慧。如闇中無所見。故須巧修二法。第四須破法徧。觀因緣生滅。破一切愛見戲論諸法。第五須善識通塞。知一切愛見之法。皆有道滅之理。名通。悉有苦集名塞。第六須善修道品。從

念處若別若總乃至三解脫門。第七須善修助道

即是五停心共念緣念六番觀禪謂八念一念佛二念法

三念佛四念戒五念捨六念捨七念捨八念捨

念天七念出入息八念死九念死十念血塗想三

五青瘀想六噉想七散想八骨想九燒想十想我一無常想二苦想三無

散想八骨想九燒想十想我一無常想二苦想三無

一切世間不可樂想六死想七不淨想八背捨一內有色

淨想八斷想九離想十盡想二內無色相外觀色三淨背捨身作證四虛空處

背捨五識處背捨六不用處背捨七非有想非無

想背捨八滅受想背捨八勝處一內有色相外觀色少若好

受想背捨八勝處一內有色相外觀色是名勝知勝見二內有

色相外觀色多五青勝處六黃勝處七赤勝處八白

勝處十一切處等六青二黃三赤四白五地第八須

凡內凡種種順道善法心不愛著是爲要意二明

通四念處者前性共緣只見生滅之理發真斷結

四枯拙度今無生四聖諦節事而真麤細等觀皆如幻化四榮巧度此則無生觀慧名念所觀無生

之境名處。觀內身外身。內外身。一切色法。若麤若細。皆如幻化。名身念處。受心法。皆是苦性。苦性卽空。皆如幻化。名受心法念處。亦有性共緣。三種四念處不同。具如彼說。三人同以四性推檢。破常樂我淨。顛倒悟入無生。二乘灰斷與三藏同。止證偏真。惟有體析巧拙。入門之異。菩薩旣見於空。亦見不空。任運接入別圓也。三明別四念處者。行人仰信中道佛性。但其理難明。須假方便。依生滅慧修四念處。成外凡。十信依無生慧修四念處。成內凡。

十住依無量慧修四念處。成十行。依相似無作慧修四念處。成十向。若登初地。分破無明。分證中道。方是無作實慧。修四念處。今約教道。卽是無量觀慧。名念。所觀無量之境名處。一一位中。各有性共緣三種。念處若別對者。十住修性念處觀。十行修共念處觀。十向修緣念處觀。至初地。三種念處分成就。性念處顯爲法身。共念處顯爲摩訶般若。緣念處顯爲解脫。所調伏衆生之處。名爲解脫。亦以性念處爲般若。共念處爲解脫。緣念處爲法身。不

縱不橫名大涅槃。得色解脫受想行識解脫。具足四德常樂我淨。徧破凡外四倒。二乘四倒也。四明圓四念處。四者不可思議數。一卽無量無量。卽一一皆是法界三諦具足。攝一切法出法界外。更無有法於一念處與三念處無二無別。一切法趣四念處。是趣不過。念者觀慧也。處者境也能觀之。智照而常寂。名念所觀之境。寂而常照。名處境。寂智亦寂。智照境亦照。一相無相。無相一相。卽是實相。實相卽是一諦。亦名虛空佛性。亦名大般涅槃。

如是境智無二無異。如如境卽如如智。智卽是境。說智及智處皆名爲般若。亦例云。說處及處智皆名爲所諦。非境之境而言爲境。非智之智而名爲智。亦名心寂三昧。亦名色寂三昧。亦是明心三昧。亦是明色三昧。色心不二。不二而二。爲化衆生假名說二耳。此之觀慧。只觀衆生一念無明心。此心即是法性爲因緣所生。卽空卽假卽中。一心三心。三心一心。此觀亦名一切種智。此境亦名一圓諦。一諦三諦。三諦一諦。諸佛爲此一大事因緣出現。

於世。觀此一念心中。具足十界色名身。十界受名受。十界識名心。十界想行名法。法性色。一色一切色。一切色一色。一受一切受。一切受一受。一心一切心。一切心一心。一想行法。一切法。一切法一法。將智慧性觀十界色性。名爲觀了。達色中非垢非淨。名爲處。智慧性觀十界受性。名爲觀了。達受中非苦非樂。名爲處。智慧性觀十界心性。名爲觀了。達心性非常非無常性。名爲處。智慧性觀十界法性。名爲觀了。達法性非我非無我。名爲處。能所合。

標是名性念處觀。若觀十界色非垢非淨。雙照二諦。垢之與淨。其性無二。無二之性。即是實性。乃至觀十界法。非我非無我。雙照二諦。我與無我。其性無二。無二之性。即是實性。是名共念處觀。若觀此身受心法。無緣慈悲。無緣無念。如磁石吸鐵。寂而常照。雖無念不動。而運大慈普覆十界衆生。慈悲誓願。廣大不可盡。是名緣念處觀。三種一心。具足觀此身受心法。智慧性名性念處定慧均和。能助大道名共念處。所有慈悲名緣念處。一性念處一

切性念處共緣亦爾。此圓教義也。修此通別圓三種四念處皆有十要意名同義別具如彼說須往尋之念無錯亂等者藏教畧如前說竟通教則以無生觀慧爲無錯亂了達貪愛如空不可得爲調伏別教以次第三觀爲無錯亂調伏同居世間方便世間果報世間無量貪愛圓教以無作觀慧爲無錯亂了知貪愛之性卽是實性始從名字調伏乃至究竟調伏方是四念處實義如來遺命令諸比丘依念處行道要在茲乎故此中但云身念處

精進不懈受心法亦如是而不定言不淨苦等者正以四教行人所共稟也若得此意則於五蓋四禪五通三明等一切法門皆可作四番解釋思之四永棄五蓋又三初明所住處二明除蓋方便三正明除蓋今初樂在阿蘭若靜處樹下住或樂處山窟若在露地糞聚邊若在塚間水岸間阿蘭若此翻無喧雜此等諸處遠離閻閻堪任進修二明除蓋方便

彼乞食還已洗足安置衣鉢。結跏趺坐。直身正意繫念在前。

乞食資身則永斷營求。結跏趺坐則心易入定。直身則身無病患。正意則意無邪倒。繫念在前則昏散不生。^正三正明除蓋又三初直明訶棄五蓋。二

喻明除五蓋相三具明永斷之法。今初
斷除慳貪心不與俱。斷除瞋恚無有怨嫉。心住無瞋清淨無恚。常有慈愍。除去睡眠不與共俱。繫想在明念無錯亂。除掉悔不與共俱。內心寂滅。調悔心淨。

除斷於疑。已度於疑。其心一向在於善法。

於五欲境受戀不捨。名慳貪。於違情境忿怒懷惱。名嗔恚。昏懵不了諸根閼塞。名睡眠。三業散動憂愁退沒。名掉悔。於師於法於已。心存猶豫。名疑。此五種法覆障定慧。令不開發。故名爲蓋。別而言之。貪爲慧。蓋利令智昏。故。瞋爲定。蓋正是禪刺。故。眠爲慧。蓋性無堪能。故。掉悔蓋定不能一緣。故。疑能具。蓋定慧無有正信。故。通而言之。皆爲定慧之障也。次喻明除五蓋相。

譬如。有奴。大家與姓。安隱脫奴。彼自念言。我先是奴。而今解脫安隱。已得自在。不復從人。以是因緣。使得歡喜。其心安樂。又如有人。舉他財物。所行治生。能得利息。還本既畢。復有餘在。足以養活妻子。彼自念言。我先舉債。以用治生。而得利息。既得還本。復有餘在。足養妻子。我今便得自在。不復畏人。以是因緣。使得歡喜。其心安樂。如人久病。從病得瘥。飲食消化。身有色力。彼作是念。我先有病。而今得差。飲食消化。身有色力。以是因緣。使得歡喜。其心安樂。如人久閉牢獄。

從獄安隱得脫。彼作是念。我先繫閉。今已得脫。無所復畏。以是因緣。使得歡喜。其心安隱。如人多持財寶。度大曠野。不遭賊劫。安隱得過。彼作是念。我先多持財寶。從曠野得過。而今無所復畏。以是因緣。使得歡喜。其心安樂。

貪欲如奴。受他驅役故。瞋如負債。惡報酬。償不息。故。睡如久病。沉重不起故。掉悔如獄。因掉生悔。因悔成蓋。不能自出故。疑如曠野。心多猶豫故。三具明永斷之法。若不訶五蓋。不能習禪。若不得禪。

定之力。不能斷蓋也。

比丘有五蓋亦復如是。如奴負債久病在獄行大曠野。自見未斷諸蓋。令心染汙。慧力不明。彼卽捨欲惡不善法。與覺觀俱而受喜樂。得入初禪。彼以喜樂潤漬於身。徧滿盈溢。無不徧處。如人巧浴。器盛細末藥。以水漬之。和合相得。其水潤漬。無有不潤。而無零落。比丘得入初禪。亦復如是。喜樂徧身。無有空處。此是最初現身得樂。何以故。由不放逸。精進不懈。念無錯亂。樂處靜寂故。彼捨覺觀。便內生信心。在一處無覺。

無觀。心定喜樂。入第二禪。彼以心定喜樂潤漬於身。徧滿盈溢。無不徧處。猶如山頂之泉水。自中出。亦不從東西南北及從上來。卽此池中清冷水出。潤漬一池。徧滿盈溢。無有空處。比丘入第二禪。亦復如是。心定喜樂。徧滿盈溢。此是第二現身得樂。彼捨喜心。住護念樂。身受快樂。如聖所說護念快樂。入第三禪。彼於身無喜。以樂潤漬。徧滿盈溢。無有空處。譬如優鉢羅華。拘頭摩分陀利華。雖生出地而未出水。根莖葉潤漬水中。無有空處而不潤漬。比丘入第三禪。亦

復如是離喜住樂潤清於身無不徧處此是第三禪得現身快樂所遊戲處彼捨苦樂憂喜先斷不苦不樂護念清淨入第四禪身心清淨具滿盈溢無不徧處猶若男子女人沐浴淨潔被以新白淨衣無有不覆之處比丘入第四禪亦復如是其心清淨徧滿於身無空缺處彼入第四禪心不掉動亦不懈怠不與愛恚相應住無動地譬如密屋內外泥治堅閉戶嚮無有風塵於內然燈無有人非人風鳥扇動其燈燄直上無有曲戾恬定而然比丘入第四禪亦復如是

無有調動心無懈怠不與愛恚相應已住無動地此是第四禪現身得樂所遊處何以故由不放逸精進不懈念不錯亂樂處寂靜故清音恣漫潤也恬音甜安靜也

自見未斷諸蓋者。前雖云斷除慳貪乃至其心一向在於善法。但是訶棄未是永斷故必以覺觀力捨欲惡不善法而入初禪。乃至次第入第四禪。方得歡喜安樂也。心不掉動是永斷悔蓋亦不懈怠是永斷眠蓋。不與愛恚相應是永斷貪瞋二蓋。住無動地是永斷疑蓋。譬如密屋內外泥治喻無調

悔堅閉戶嚮喻不解眠無風塵喻無貪瞋然燈喻無疑篋直無曲恬定而然喻定慧和平能發五通三明也。又無人喻無貪無非人喻無瞋無風喻無掉無鳥喻無眠無曲喻無疑修四禪法真在經論及禪波羅蜜次第法門須者自往尋之此第四大文即是因戒生定亦名增上心學也。第五明無漏戒勝妙無漏戒亦名道共戒而道共通取念處方便道此獨取發真無漏爲異文復爲二初五通次三明他處言三明六通共止六法以宿命天眼初五通

漏盡功能殊勝復稱爲明今別開神足爲三兼天耳他心共成五通別列宿命天眼漏盡爲三明雖開合不同總是六神通耳六皆稱神通者縷絡經云神名天性通名慧性天然之慧照徹無礙也今初五通

彼得定心清淨無有垢穢柔軟調伏住無動地自於身中起心能化作異身支節具足諸根無缺時卽觀之此身色四大合成彼身色化有此四大身色異彼化身四大色異從此四大身色中起心化作彼身諸

根支節具足。譬如有人。鞘中拔刀。彼作是念。此是鞘。此是刀。刀異鞘異。從此鞘中拔刀出。鞘音笑亦如人。筐中出蛇。筐音匡方筐也。譬如有人。從筐中出蛇。彼作是念。此是筐。此是蛇。筐異蛇異。從此筐中出蛇。方筐也譬如有人。從筐中出衣。彼作是念。此是筐。此是衣。筐異衣異。從筐中出衣。筐音鹿竹高筐也。比丘亦復如是。此是比丘最初勝法。何以故。由不放逸精進。不懈怠無錯亂樂寂靜故。彼以定心清淨。乃至入不動地。從已四大色身中。起心化作化身。一切諸根支節具足。彼作是念。此身是四大合成。彼身從化而有

此四大色身異。彼化四大色身異。此心在此身。依此身繫此身。譬如瑠璃摩尼珠。瑩治甚明。清淨無垢。若以青黃赤線貫之。有眼男子置掌而觀。此是珠。此是線珠異線異。此珠繫在於線。比丘亦復如是。從此四大色身起心化作化身。一切諸根支節具足。而作是念。此身是四大合成。彼身從此而有。此四大色身異。彼化四大色身異。此心在此身。依此身繫此身。此是比丘第二勝法。何以故。由不放逸。精進不懈。念無錯亂。樂寂靜故。彼以定心清淨乃至入無動地。一心修

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

牛廣昇采

三

習神通智證。彼便能作種種變化。以一身爲無數身。無數身還爲一身。身能飛行。石壁皆過。無所觸礙。如行虛空。行在空中。如鳥飛翔。出沒於地。如水涌波。或煙或燄。若大火積。音恣草名。手能捫音門撫摸也。日月。身至梵

天譬如醫師善調和隨意所造。欲作何器便能成之。而有利益。譬如巧匠善能治木。隨意所造。自在成之。而有利益。譬如治象牙師善能治牙。隨意所作。自在成之。而有利益。譬如金師善鍊真金。隨意所作。自在成之。而有利益。比丘亦復如是。定心清淨至無動

地隨意所作乃至梵天。此是比丘第三勝法。彼以定心清淨。乃至入無動地。一心修習證天耳智。彼天耳清淨。過出於人耳。聞二種聲。人非人。譬如於城郭國邑中。有講堂廣大高顯。有聰耳人在中。不勞聽力而聞種種音聲。比丘亦復如是以定心故。天耳清淨。得聞人非人種種音聲。此是比丘第四勝法。彼以定心清淨。乃至入無動地。一心修習證他心智。彼知外衆生心有欲無欲。有垢無垢。有癡無癡。廣心畧心。小心。大心。定心。亂心。縛心。脫心。上心無上心。皆悉知之。譬如

如自喜男子女人。以水鏡自照。無不得見。比丘亦復如是以定心清淨故。知外一切衆生心之所念。此是第五勝法。

初起心化作異身。如韜中出刀等連舉三喻。止是
喻其化從心起。次觀所化之身從化而有。心喻如
線。身喻如珠。身心宛然。從此化彼相貫不離。此二
皆是神通智證前方便耳。次正顯神通智證。言智
證者。由出世正智所證神通。不同諸天報得。不同

能成木堅於泥牙堅於木金堅於牙匠師伎術皆能治用。何況心法虛融聖道巧妙而不能如意自宋在耶。次天耳智。次他心智。皆如文可知。次三明彼以定心清淨乃至入無動地一心修習宿命智證便能憶識宿命無數若干種事能憶一生十生百生千生無數百千生劫燒都盡國土還生我在彼生名字如是種如是姓如是食如是壽命如是在世如是壽盡如是受苦樂如是從彼命終復生於彼如是展轉來生於此如是形色相貌無數種種皆悉憶識譬

如有人從已村落。往至他國。在於彼國若行若住。若語若默。從彼國復往餘國。若行若住。若語若默。如是展轉復還其國。不勞多力。而能憶識所行諸國。我從此國乃往彼國。在彼國內。如是行。如是住。如是語。如是默。從彼國復至彼國。在彼國如是行。如是住。如是語。如是默。如是展轉還至本國。比丘亦復如是。能以定心清淨乃至無動地。以宿命智證能憶無數百千劫種種衆事。此是比丘得第一明。斷滅無明。明法生闍已去。明曉法存。此是比丘憶宿命智證明。何以故。

由不放逸。精進不懈。心無錯亂。樂處寂靜故。

初宿命智稱第一明者明過去也。以斷滅無明故
明法得生。無明止是見思煩惱障於空寂。今斷滅
之則明法自生。所謂但有除繫法別無與明法也。
闍已去明曉法存者。謂闍去更不復來。明存更不
復失。如一成真金不重爲鑛也。

彼以定心清淨乃至無動地。一心修習見衆生死此生彼智證。彼天眼清淨見衆生死此生彼形色好醜善惡諸道尊卑貴賤隨衆生所造業報因緣皆能知

卷之三

之。如此人造身惡行。口惡行。心惡行。誹謗賢聖。邪見以邪見報故。墮地獄餓鬼畜生。如此衆生。身行善口行善心。念善不誹謗賢聖。正見修習正業。身死得生天上人中。如是天眼清淨。見衆生死此生彼隨衆生所造業因。皆悉知之。譬如廣大平地四交道頭。有高顯大堂。有明眼人在中。見衆生從東方來至西方。從西方往東方。從南方往北方。從北方往南方。比丘如是以定心清淨。見衆生死此生彼乃至隨衆生所造業以天眼清淨。見衆生死此生彼乃至無動地。見衆生死此生彼智證。

報因緣皆悉知之。此是比丘得第二明。斷無明。明法生闇已去。明曉法存。此是見衆生死此生彼智證明。何以故。由不放逸精進不懈心不錯亂樂寂靜故。

次天眼智稱第二明者。明未來也。三世悉見。以未來難見而能預見。故從勝說。亦以過去現在讓宿。

彼以定心清淨乃至無動地。一心修習無漏智證。彼如實知苦聖諦。集盡道諦。如實知有漏漏集漏盡。如實知趣漏盡道聖諦。彼如是知。如是見。從欲漏有漏

無明漏心得解脫已。得解脫智。我生已盡。梵行已立。所作已辦。更不復生。譬如清木中有木石。魚鼈水性之屬。東西遊行。有眼者觀之。見木石魚鼈。此是木石。此是魚鼈。東西遊行。比丘亦復如是。以定心清淨。至無動地。得無漏智證。乃至不復更生。此是比丘得第三明。斷無明。明法生。闇已去。明曉法存。是爲無漏智明。何以故。由不放逸。精進不懈。念無錯亂。樂處寂靜。故。

次無漏智稱第三明者。明現在也。於二世法皆悉。

不生。以其坐斷三世。無一法可以當情。故謂之明。現在。苦聖諦者。三界皆苦。確實不虛。惟聖了知。稱爲聖諦。集卽苦因。盡卽苦滅。道卽出要。並實不虛。故皆名諦。有漏卽苦果。漏集卽苦因。漏盡卽苦滅。趣漏盡道卽出要。重言之者。前番約見道。後番約修道。或前番約欲界。後番約色無色界也。正智名知慧眼。名見。欲界思惑名欲漏。色無色界思惑名有漏。三界見惑名無明漏。得解脫者見道十六心。修道十八心。根本智也。得解脫智者後得智也。我

生已盡。即是永離果報。故名無生。梵行已立。即是具智斷德。故名應供。所作已辦。即是真窮惑盡。故名無學。更不復生。即是煩惱斷盡。故名殺賊。又我已盡是苦諦智圓。梵行已立是道諦智圓。所作已辦。是滅諦智圓。更不復生。是集諦智圓。清水。喻定心木石魚鼈。喻現前生法。眼。喻智慧。雖有明眼。水不澄清。不能了別木石魚鼈。如有慧無定。雖復今定慧具足。了知生空及與法空。不於生法起顛

倒想。是爲無漏智明。此第五大文。卽是因定發慧。亦名增上慧學也。有處五通。尚屬定學。今皆云智證。故攝入慧學。於禪定通明後。皆結云。由不放逸等者。深顯持戒。不放逸爲聖道根本。四念處爲入道要門。頭陀行爲出離勝法也。且依三藏。畧明如此。餘之三番。可以意得。又卽此三藏法門。或轉入妙。或按位妙。可細思之。毋忽視也。

大小持戒犍度畧釋

卷之三

中
西
印

佛弟子鈕明心捐貲敬梓上祝 父鈕大章
王氏福壽康寧信心增長同成 佛道

80

1

2

3

4

5

6

7

8

9

90

1

2

3

4

5

6

7

8

9

一
十
四